

四庫全書

史部

欽定四庫全書

史部
四川通志卷十二

詳校官監察御史臣李陽樞

檢討臣德生履勘

總校官編修臣

王燕緒

校對官中書臣

葉燮

謄錄監生臣

劉天綸

欽定四庫全書

四川通志卷十二

忠義

河嶽日星為乾坤正氣人生其間秉五行之靈秀
而依阿澆忍不能以成仁取義自任非夫也蜀在
往代為用武之國當其時忘家忘身大節不奪赫
然為光岳偉人者固自不乏至於

國朝殄氛靖寇用張仁義之師而臨難殉節之臣慷慨

慨從容見危致命太史公所謂與日月爭光者茲
其人歟至若鄉閭之賢慕義彊仁或因公憤發為
國干城或力庇一方好行其德英風烈概亦可書
之以垂不朽作忠義志

成都府

漢何武

郫縣人字君公宣帝時射策為郎舉賢良方正第一拜殊議大夫遷揚州刺史成帝

以為京兆尹遷大司空封浥鄉侯武以忠義自奮好薦拔士顯王莽篡位殊不附己者武固自殺史稱其公

志云

王 忱

新都人嘗詣京師見一書生疾困憊而視之書生曰我腰有金十斤願相贈死後乞

藏骸骨忱即鬻一斤營其葬餘悉置棺下後為大度亭長有馬馳入亭中大風飄一繡被復墮忱前忱怪白令令以歸忱馬主訪至忱所得其狀嘆曰卿何陰德而致此忱因告以書生事驚曰是我子也遂與俱迎喪餘金尚存厚遺忱忱不受由是顯名舉茂才為郡今宿蒙亭亭長白有鬼數殺人忱不聽夜夢女子曰妾夫為涪令之官亭長利貨財殺我一家十人瘞樓下忱且台亭長詰問具服罪即收其同謀悉誅之

王 皓 王 嘉

皓字子離嘉字公卿俱成都人平帝時皓令美陽嘉為郎王莽篡位皆棄官歸

公孫述遣使召皓嘉皓自列以首付使者述怒遂誅皓家屬嘉聞而歎亦對其使者伏劍而死

羅

行

成都人公孫述據蜀行說述尚書解文卿
鄭文伯共謀述使歸漢述怒閉三子於幽

室三子守志

不回死之

侯

剛

字直孟新繁人為中郎王莽篡位剛洋狂
負木主詣闕號哭莽使問之剛曰漢承堯

緒享無窮之祚今篡之豈天意乎吾寧蹈仁義而
死之不忍事非主莽怒殺之俊光武立遣使歸葬

常

播

字文平灌縣人任縣主簿功曹縣長廣都
朱游被上誣劾以逋沒官殺當論重罪播

詣獄爭訟身受數百杖肌膚潰爛毒痛甚際至更
三獄幽閉一年有餘事始得白游免刑戮眾咸嘉

播節義凜然不為刑屈舉
孝廉除郎長年五十餘終

章

明

字公濡新繁人為大中大夫王莽篡位
明歎曰吾不忍以一身事二主遂自殺

張

任

新都人為劉璋將性忠義與昭烈戰屢敗退守維城昭烈圍維欲招之降任曰老臣

終不能事二主
矢城陷不屈死

蜀漢張裔

成都人治公羊春秋博涉書史漢昭烈定益州以為太守後為丞相亮參軍裔少與

楊恭友善恭早死遺孤未數歲裔迎恭母事之如母撫恭子如子為娶婦買田宅時人重其義後加

撫漢將軍

呂

凱

字季平永昌人仕郡五官掾功曹時雍闓等聞先主崩於永安驕黠滋甚凱與府丞

王伉閉境拒闓及丞相亮討闓至南中上表曰永昌郡吏呂凱府丞王伉等執忠絕域十有餘年雍闓高定偪有東北而凱等守義不與交通臣不意永昌風俗敦直乃爾以凱為雲南太守封陽遷亭

侯後為叛
夷所害

傅彤

義陽人為將軍昭烈東征敗劔使彤及馮習張南拒後吳軍追至語彤曰何不降彤

罵曰吳狗安有漢將軍降者復戰與張南馮習俱死吳軍中

傅僉

彤之子彤死拜僉為左中郎後為關口守將會副貳蔣舒率眾降鍾會僉格鬪死

馬良

字季常襄陽宜城人兄弟五人並有才名鄉里為之諺曰馬氏五常白眉最良先主

領荊州辟為從事諸葛亮以昆弟待之亮入蜀良留荊州先主稱帝以良為侍中遣入武陵招納五溪蠻夷夷帥皆受印號會先主敗績於夷陵良遂遇害

諸葛瞻

字思遠丞相亮子年十七尚公主拜騎都尉屢遷侍中尚書僕射加軍師將軍亮嘗

以驍聽慧其早成恐非重器或曰夫君子之行
靜以修身儉以養德非澹泊無以明志非寧靜無
以致遠及魏鄧艾入蜀瞻督諸將至涪城力戰而
死時年三十七長子尚亦遇害次于京位至廣州

史表

諸葛尚

瞻子年少慷慨有大節鄧艾起兵入蜀取
江油瞻引兵七萬人守綿竹尚年十九為
前部鄧艾遺書喻降尚勸瞻

斬其使父子俱力戰死之

張遵

魏之孫苞之子為尚書郎同諸
葛瞻引軍拒鄧艾於綿竹戰死

唐王先成

武州軍士祖宗景福元年六月王建圍彭
日先不下民皆竄匿山谷王建兵肆行剽掠
先成度建將於惟王家假最賢乃往說之切陳彭
民不離禹元就宗祖測然同以白建建說撤圍民

楊晟

昭宗乾寧二年五月以司徒守彭州王建據蜀數攻彭州城陷之日不屈而死

安師建

彭州刺史王建攻彭州殺其守楊晟執師建欲使為行帥師建江州曰皆與楊司

徒同生死不復戴日月遂死
為邑再三踰之不從乃殺之

宋郝逢

成都人幼好學不以寒賒為憂咸平中賊亂索諸生官之不從者殺逢曰逢非儒不

能從命詞氣不屈賊怒令引去斬之復問者三終不易詞賊意解乃放而釋之

杜翊世

華陽人編聖中進士道判懷遠軍靖康初中原失故夏人乘隙入寇卷王城下翊世

與如軍劉鈺羊晟守禦謀從妻子於長安妻張氏曰軍同死北城陷賊脅使降翊世憤日叱之舉家

皆赴烈燭中死事聞贈朝議大夫官其後表所居曰忠義坊

黃哲

華陽人崇寧進士知永興軍舉主管文字徐師仁薦於朝忤蔡京意除國子學錄遷

宗正寺少卿金人陷郿城索玉牒哲貯以陶器坎地而藏獲免高宗即位被旨迎玉牒及幸雄揚哲言宜幸金陵為朝論所阻除國子祭酒後扈駕渡江被金兵追執不屈死

宇文虛中

雙溪人粹中之弟舉進士官至舍書柜憲院事謫韶州建炎初應詔以資政殿

大學士使金金留之虛中密以蠟書奏虛實後遇害有文集行于世

楊震仲

成都人負氣節淳熙進士知仁壽縣後擢知大女軍吳曦叛招震仲辭疾不行遺書

家人曰武興之事從之夫節不從禍立見我死禍止一身不及妻子遂飲藥死詔贈朝奉大夫謚節

殺賜廟額

曰莊忠

王翊

字公輔，郫縣人。賓慶進士，吳曦常招入幕，抗節不拜，後為參謀官。元兵至蜀，竭力拒

守城，陷，朝服危

生，尋赴井死。

羅涓

榮寧人，合州同知。應知，知眉二州。以母老歸養，元軍入蜀，不屈而死。

劉紹榮

四川都巡檢使，兵馬鈐轄符昭壽欲未始榮，虛軍士趙延順謀作亂，殺昭壽，欲未始榮。

紹榮曰：我本燕人性直，豈與爾同逆。

耶汝急殺我，我不負朝廷，遂經而死。

張玘

四川都巡檢使，與青城王小波戰於江原，射中之已，而為小波所殺，波亦傷重而死。

丁黼

成都制置使，嘉熙初，元兵趨成都，黼夜出城南迎戰，至石筍街，兵散力戰而死。黼帥

蜀為政寬大

蜀人思之

陳隆之

四川制置使淳祐初成都被圍城破隆之家數百口皆死檻隆之至漢州使諭州城

降隆之大呼令堅守勿降遂見殺

李大會

簡州守元兵攻城大會見執不屈被害

元文允中

成都人天資高邁無言不通為嘉定路學正至正時狀元及第任修撰為四川儒學

提舉遭亂

沒於難

布景範

新都人至正進士益涼同知時李穎驢侵掠景範舉義兵拒之力戰終日矢盡而死

張繼志

四川行省郎中以政最聞遷本道廉訪司副使時李嘉臨四川繼志帥兵與戰力屈

被執不食而死

岳時中

成都人為漢州太守李嘉入寇時中率兵殺賊甚眾寡不敵死之

馮文舉

什邡人初舉鄉試授漢州學正達魯噶齊燕僚屬以一手致酒文舉不受遂拂衣去

次科復登第歷雲南儒學提舉明玉珍攻雲南文舉謂其妻曰我元進士蒙厚恩今軍至有死無二汝光州馬中丞子孫也其從之乎馬氏曰官人既欲死妾願相從遂焚香立誓皆自縊死時人重之

明王

福

成都人讀書尚義偽夏時元御史丁壽曾流寓於蜀福館之事以父禮既卒厚殯蜀

潘開其事更福名義命儒臣賦詩美之

吳承勛

成都人治博士業平生篤孝尚義內外待舉火者數十家又施藥濟貧告閭里賴之

何宗魯

邠縣人監生知浪穹縣為政嚴明剛直不屈為上官窮撫而死先遺書所知曰某以

私怨繫我經年我死訴上帝未幾某果暴卒靈異甚著民立祠祀之

方法

桐城人洪武己卯舉人四川都司斷事文皇即位諸司皆表賀法不肯署名尋被逮

舟過安慶投江死

方政

蜀人宣德初以都督征松潘勇畧過人屢立戰功後陣亡少師楊東里嘗薦之云廉

謹公勤衆所推服

陳懷

合肥人宣德初西番攻圍松潘懷以都督帥軍由洮州入解圍開道增置城堡調官

軍輪班備守後以陣亡封伯爵

何 洪

全椒人正統時征麓川以功陞都指揮景泰間征天柱銅鼓等處進都督僉事洪御

衆嚴整待之有恩將士樂於用命故所向有功天順癸未德陽賊帥趙鐸既降復叛逼成都洪率師

討之死於戰
贈都督同知

趙 祐

雙流人弘治中進士正德初授御史立朝塞諤屢上疏陳時弊劾劉瑾罷歸瑾誅復

陞副使未
就任而卒

馬 傑

涿鹿衛人進士正德初任副使征藍廷瑞等不避艱險直抵其巢穴力戰而死

王 源

太原人進士正德初任僉事值藍廷瑞等作亂源巡歷營山賊已逼境顧兵無可用

以死自誓賊至城陷
源過官於顏魯公祠

吳景

南陵人進士正德初任命事性剛方慷慨多大節遇賊曹甫寇江津景督戰死之

楊慎

號升庵新都人大師廷和子少穎悟七歲作古詩壇文人爭傳誦正德庚辰進士

殿試第一授修撰嘉靖初議大禮伏闕泣諫廷杖幾絕已諫成與南陳概就道蠻荒遠地手不擇卷純平學五博著述益富隆慶初詔徵命下慎已卒時光祿少卿所著書四百餘卷行於世

劉克學

什邡人嘉靖中進士任德清知縣以才調上海時值倭變縣舊無城克學日夜率民

築之甫完工寇至衆城防禦身中流矢久之以勞卒致仕歸卒年七十九

房嘉寵

靖嘉衛人任四川守備萬曆二十五年楊應龍屢犯秦江嘉寵職任守禦時大兵未

集應龍運沫縣攻城陷死之後事出二廟以祀加贈官秩

欽定四庫全書

張良賢

國原人萬歷中以參將守暴江與房嘉寵竭力守禦因求寡不敵城陷而死事聞立

廟祀之贈

官有主

劉繼祖

咸都中衛世襲指揮調征九繆壘斬獲有功推定中軍轉陞馬湖守備奉督撫令與

李獻忠連營把截馬湖要路夷兵猝至遂與戰斬賊十餘人援兵不至與獻忠同日陣亡事聞褒恤

魯文獻

彭縣人以母老兄替不任道遇道金不拾氣早且疫捐地以瘞道瑾

易志明

彭縣人居慈本三子務農為業共饑濟貧瘡孺建橋即書以三代遺民褒之

張守業

彭縣人張文廣僕文廣疾篤託孤於其塔塔解同屬守業業泣受之成塋畢即迎里

中諸生至登記簿籍封廟內宅安養主母撫孤成立仍起前諸生主奉簿籍管鑰志歸其主財產數

倍於前毫不自私求請復其身守業曰我
張氏老奴也將安往士大夫待以賓禮

徐可求

由進士歷副都御史巡撫四川駐節重慶
秉政清廉卓有風裁天啓元年簡首奢宣

有叛志因邊氓有警偽言願以兵三萬人備邊可
求聞兵於演武場宣將樊龍等索餉頒賞不給遂
叛執可求殺之
並從官數百人

傅炳清

字光宇蘭州諸生天啓辛酉蘭首奢崇明
叛炳清為所執不屈大罵賊怒殺之事聞

表 旌

程時修

成都諸生精易學生徒雲集間得修脯即
以購書有餘直以給諸生之貧者學使先

後禮獎咸謂輕財

尚義年八十三卒

王秉乾

字毓精華陽人初任湖廣湘陰縣賦重差繁民疲於奔命秉乾捐俸金代民完解天

啟五年以卓異行取時魏瑞擅權欲招致秉乾秉乾力拒之遂罷考選授大理寺正平反無冤滯致

仕歸言行不苟人咸奉為模楷賦陷成

都秉乾

先令闔家春投井罵賊死之

胡永壽

其先楚之衡州人父真為新繁典史遂家焉壽至九十七平生樂善好施鄰有盜取

其錢帛者求得其情告之壽曰彼亦自有帛耳我何與焉嘗有積金遇急難者慨然與之老年時每

扶以蒼頭徐行街巷遇貧乏常加賑濟子孫科第蟬聯人以為積德之報

馬玘

新繁人與華陽諸生蔣文魁善知其貧贖之且為之娶鄰人羅嘉賓貸玘金三百旋

蓮難祀焚其券有叔辛於推州遺孤方襁褓乃迎拒歸養其孀撫孤備至嘗貨布於市盜者竊去旁

見者以告紀曰彼買去非
竊也盜愧謝不復為盜

陳雲鵬

字凌斗漢州人父早逝率母教十六浦諸
生值奢首變援兵饑乏鵬罄所有輸穀麥

凡千五百石明末獻逆搜執之欲授以官不從
遂罹害于太常後登鄉薦任廣東廣州府推官

塗澤民

字志伊漢川人進士初任內黃知縣累官
兪都御史巡撫八閩時值海寇曾一本倡

亂上疏合兩廣會剿廣兵未至澤民先機出奇屢
破賊兵數千悉就火死捷聞進副都御史廕一子
著有說詩

意得諸書

駱日升

福建人由進士歷川南道副使奉命監軍
有風裁履紀律同巡撫徐可求點閱奢寅

兵變亂卒起遂遇害時東川守道孫好古
巡道李維周知府張文炳咸罵賊死之

黃文魁

福建人四川總兵值奢寅兵變文魁手
及梟賊賊攢刺殺之其妾聞變投水死

唐慶忠

彭縣人性好施雖
斗米必濟貧乏

楊弘義

彭縣人鄰有寒士教選家甚貧弘
義周之後得志酬以千金不受

顧其仁

字湛一華陽人任工科都給事中天啓間
逆瑞魏忠賢擅權其仁特疏糾叅落職為

民崇禎元年以忠鯁起用復
原官尋遷陝西叅政致仕卒

乾曰貞

字遵陽成都人任知縣丁內艱歸事父
孝謹獻賊陷城曰貞以磚擊賊而死

邱之坊

字聚吾成都人明經子祖德任山東濟南
府推官受封如其銜之坊素以理學名獻

賊陷城成都偽令遣役招之坊之坊卧於牀曰
吾受國恩已久更知誰耶轉背復卧不食而死

邱祖福

之坊第三子成都府諸生賊陷城賊官遣役招其父父卧不起祖福代父往賊嗔其

不跪祖福曰吾乃朝廷士子豈跪賊乎罵不絕口而死

陳士奇

字平人鎮海人以進士任督學副使藻鑑甚明崇禎十五年陞僉都御史巡撫四川

尋遷南通政時獻逆犯蜀已入夔門士奇至重慶將吏謂士奇曰既却撫軍事公可去矣士奇以新撫未至義與封疆共存亡遂奉瑞藩堅守重慶城陷死之

丁應選馬京馬亭李華宇

應選官建昌行都司海崇堡指揮使署所印崇

禎甲申八月初九日賊破成都巡道胡恒調應選救援行至黎州所官沈雲龍阻截其兵賴宜慰馬京及京弟亭令通使白某及子白寰翠招集黎州富莊姜黃李崇蔡包張七姓頭人子弟合兵萬餘

千戶李華宇年八十率領赴黎至雅州界八步石
龍觀川對岸與賊力戰殺賊數千恢復黎雅與應
選合兵殺賊苦戰三載後兵敗應選與二馬陣亡
華宇及白氏父子被擒磔死榮經令黃儒城破被
磔縣之開善寺時有天全碣門六番招討使楊之
明成都進士朱偉伊川北舉人鄭廷爵率兵拒賊
於雅州龍仙關兵敗之明偉伊就擒二人皆被賊
磔死成都南關廷爵逃至總岡山收兵再戰後亦
殁於陣

楊孟凱

知簡州值妖人劉千斤
亂守禦甚力賊不敢犯

徐瑞屢

彭縣人性孝謹業醫治病不計貧富
賊至脫衣履置觀音泉岸上赴水死

魯城隍

彭縣人人以其正直有守遂以城隍呼之
失其名賊至執城隍赴省大罵不屈賊割

其舌猶喫血大

寫賊寸殊死之

劉祚昌

彭縣諸生匿山中被賊執大罵不屈賊遂殺之

莊祖詒

字履傳成都人累官順天府治中在任清正居家敦睦子孫皆明經獻賊至城陷舉

家死

之

龍文光

柳州人由進士分守川北道以叅政擢右僉都御史巡撫四川駐節順慶聞獻賊至

成都里馳赴省以圖

拒守城陷投水死

劉之渤

字羽長賓鶉人由進士以御史巡按四川時獻賊犯成都之渤與巡撫龍文光調兵

守成都城陷被執賊以之渤秦人同鄉欲降之渤瞋目大罵曰死賊我恨不滅汝豈從汝作賊乎

欽定四庫全書

四川通志

三

罵不絕口賊怒磔之臨死語賊曰汝
寧多殺我一刀少殺我一百姓遂死

張繼孟

扶風人進士任按察副使分
赴川西獻賊陷成都死之

陳其赤

江西崇仁進士任守西直獻賊
陷成都不屈自投百花潭死

方堯相

字紹虞黃岡人任監紀同知提兵守城而
鉤不遇與逆按請於蜀審不允城陷被執

不屈尋受害於萬里橋有絕命詞曰時危節見古
今同取義成仁且盡忠江水茫茫須借力此身飄

蕩赴團風方家
團風鎮故云

劉鎮藩

山東人鎮蜀
死獻賊之罪

劉士斗

廣東南海人由進士任成都府推官以廉
能著以巡按劉之勅特薦擢建昌兵備僉

事獻賊將入境之勅趨之行士斗曰安危生死同
此耳復何往遂與之勅畫策以守及城陷死之

沈雲祚

江南太倉人由進士知華陽縣獻賊攻
成都城陷被執雲祚罵賊不屈死之

王源長

新津人崇禎間拔貢值獻賊變源長揭一
聯於室云存心正大光明夜可焚香告上

帝立身忠孝廉節日竹披赤事明君
後為獻賊所執不屈死妻徐亦自縊

莊祖誥

字天秩成都人歷雲南按察使致仕歸獻
賊屠城祖誥衣冠端坐於堂賊至痛罵逆

害 罹

何教授

先其名獻賊破成都生明倫堂
鳴鼓集諸生不至夫婦自縊死

徐明蛟

四川撫標參將崇禎末
督兵討賊陷陣遇害

李思明

華陽人以賣煉為業辛勤居積孝事繼母田氏凡并市民陳於軍三十餘家施棺柩

衣米
無算

王履亨

字坤軸華陽人歷任宣府同知被獻賊執至新橋不屈投江而死

何繼皋

字直卿華陽諸生偽學官楊允升迫脅應考繼皋憤恨大罵即自刎死

李之珍

崇禎末授都司僉書甲申獻賊陷成都死之

阮士奇

雅州指揮領兵守成都獻賊破成都城陷死之

顧鼎鉉

貢生崇禎末流賊執之鼎鉉罵不絕口賊扶其兩目以死

雷應奇

素負俠氣崇禎末賊至應奇曰奈何却縣無一人殺賊者糾集義勇拒賊於高境闕

力戰
死之

竇成

川西小卒肆安慶撫標弁將廖應登營守桐城隨應登出偵賊並為賊所獲且挾至

城下諭城中降應登未及言成大聲曰廖將軍今被賊執來諭城降然賊兵無幾大營未至城中可堅守勿為廖將軍所惑也賊怒寸磔之桐人感泣立專祠春秋享祀

劉佳印

崇禎末四川總兵官獻寇圍成都與巡撫龍文光率官軍三千從川北來謀設守城

破同文光赴
浣花溪死

鄭安民

浙江人由貢生授蜀府長史賊圍成都安民守南城城陷不屈死之

王勵精

陝西米脂人崇禎末知崇慶州以清亮端方著獻賊破成都勵精具朝服北向拜復

西向如北禮從容書為臣死忠為子死孝而今而後庶幾無愧十六字於屏投筆登樓貯火藥於樓下賊至今僕縱火自焚死獻賊壯其節斂遺骸葬之

趙嘉煒

浙江人監生崇禎十七年知鄞縣甫五月獻賊陷成都時嘉煒方督修都江堰賊執

之不屈
投江死

李甲

湖廣蒲圻人由舉人知雙流縣崇禎甲申委署建昌監理廳道經榮經縣值獻賊犯雅安官軍潰甲隨師中力竭死焉一僕守甲尸數年後楚路通始載以歸

重慶府

周巴蔓子

忠州人周末巴國亂蔓子時為將軍請師於楚許以三城楚既救巴遣使請城蔓子

曰藉楚之靈克弭禍難誠許楚王三城可將吾頭
往謝城不可得也乃自刎以頭授楚使楚王嘆曰
使吾得臣若巴蔓子用城何為乃以上
卿禮葬其頭巴國葬其身亦以上卿禮

漢嚴

顏

建安中為劉璋將領巴郡太守為張飛所
虜飛呵顏曰大軍至何不早降而敢截戰

顏曰公等無狀侵奪我州我州但有斷頭將軍無
降將軍也飛怒令斬之顏容色不變曰斫頭使斫
頭何怒為飛
壯而釋之

甘寧

墊江人仕孫吳嘗獻計孫權謂先取黃祖
鼓行而據楚關可漸窺巴蜀權深納其言

時稱江表虎
臣後以戰死

宋袁延慶

元祐間以軍功授合州兵馬攝事天性忠
義兄弟七人協力平賊范鎮為作忠義傳

屈堅

忠州防禦使建炎初金人圍陝府堅引兵救之圍解後金人執堅堅曰吾來解圍城

苟全吾死何憾叱
金人使速殺之

陳用庚

淳熙間任大足教授適元詔至用庚曰我宋臣也不拜棄官去

趙昂發

大足人為遂寧州司戶咸淳中權池州通判元兵渡江池州守王起宗適昂發攝州

事為守禦備明年元兵大至昂發知不能守乃置酒與親友飲訣謂其妻雍氏使出走雍氏曰君為忠臣我獨不能為忠臣婦子及兵薄城昂發書几上曰國不可背城不可降夫婦同死節義成雙遂與雍同縊死事聞益文節雍氏贈順義夫人

劉霖

永川人德祐元年瀘州守梅應春以城降於元霖獻計於郡守張玘恢復瀘州後元

兵陷重慶霖被
執不屈死之

郝仲連

昌元人為防禦節制河東軍馬元將妻宿
以重兵壓城仲連力戰度不能守先自殺

其妻女城陷不屈並其
子荷遇害贈觀察使

曹琦

知南平軍元兵來攻被執既得脫南歸時
制置使辟為主管機宜文字開都統趙安

以城降琦遂
自縊而死

張

珏

陝西鳳州人魁雄有謀善用兵以都統制
守合州昇無遺策德祐元年陞四川制置

使無知重慶府元兵攻重慶珏率兵與戰趙安等
夜開門出降珏巷戰力盡走涪州元行追執之至
安而解弓弦縊死文天祥在
獄時而南夫大行益謂珏也

馮 堃

以一郡鎮撫使守咸寧府元兵攻城楊文安與堃同里開諭之使降堃不從既而城

陷堃力巷戰力屈就擒死之

王 僊

涪州守元兵攻圍無虛日勢孤援絕宋亡一年城始破僊自刎死

明 鄒公瑾

江寧人洪武初以經明行修薦本縣教諭推監察御史建文時死節

劉 元

長壽人洪武中任吏部員外奉使過河南見餓殍盈道發倉賑之草奏上聞活人以

後萬

胡 子昭

大足人任學務學訓導陞翰林院檢討歷刑部侍郎建文初充纂修官文皇渡江與

方孝孺等俱不屈死臨刑詩曰兩間正氣歸宋壤一腔丹心在帝鄉嘉靖間立祠崇祀

江英

江津人永樂初應求賢舉知滄州捐
衆議值寇亂多所捍禦有功於時

尹鉉

已縣人正統中進士拜監察御
史從征北邊卒於土木之難

李實

合州人號虛菴進士英宗北狩舉朝無敢
往者實以都給事中加侍郎使北單騎入

敵營面折顏森得見帝帝喜曰在此逾年始見卿
至矣時實賦有重整衣冠拜上呈備開聖語重浹
涼之句自實有此行後漸議迎駕論
者謂回鑾之功不在李賢而在實

劉福

已縣人成化中應貴州按察
使盤江賊叛挺身赴戰遇害

王養心

已縣人郡庠生工詩文筆札有才氣樊龍
張形之變養心詐降周旋兩賊欲行反間

因勸形殺龍事洩龍收養心今供同謀者養心備
受諸苦體無完膚瀕死不招遂被支解後錄其子

學八

燕有臺

已縣人以有生任榮經轉授諭值簡賊據城遂閉戶絕食憤悒而死又有生劉雨金

原生曹廷詵鄒良翰俱不食而死

陳懷德

已縣人吏員任雲南衛經歷多籌畫後歸里值樊龍之變以田產貸金募兵並率鄉

里之願從者三百餘人守牛角沱以保鄉里遇賊力戰而死

張祚達

已縣人素負驍勇樊賊欲官之乃引刀剖其腹見骨得免後與賊戰南紀門下連斬

數級力屈死之

王俊民

台州人正德間以進士歷給事中塞謬有聲中外畏憚嘉靖中永嘉方春遇辱顯衆

無敢抗俊民前後持大禮諸疏糾之不
少假竟忤旨楚杖下隆慶初詔賜追恤

楊正朝

江津人與向保王曰生俱為民兵正德中
吳僉事守江津為流賊所敗三人俱以甲

為吳擁蔽
賊並殺之

龔恕

江津人明經著有龍門詩集任寧夏衛經
歷以憂歸廬墓三載置義田二處一以贍

族之貧者一以贍族之為
士使勤於學至今稱之

趙可懷

巴縣人嘉靖中進士由知縣屢著異績歷
遷兵部右侍郎巡撫應天興利除弊吳人

戴服馬又以平倭屢助兵給餉助勦居多詔入為
工部左侍郎會橫堵陳奉暴於楚奉特簡往撫遂
定楚亂晉兵部尚書楚悍宗聚亂鼓譟軍門可懷
開門出諭申明祖訓國法且戒標兵毋得入衛欲

以靜鎮釋之忽逆黨狂逞擁入遂遇
害事聞加賜葬祭廕一子中書舍人

蘇孚陶舜臣

俱合州諸生嘉靖末白蓮賊起殺掠
人民二生奮然討賊親冒矢石為賊

所殺州人悼
之請入祠祀

鄒智

字汝愚合州人別號立齋年十有四舉省
試第一以庶吉士值星變上疏言陽不能

制陰宜進君子退小人萬安劉吉尹直三小人王
起王竑彭韶三君子其言切直觸時忌被逮繫獄
謫石城吏目死時年

二十六諡曰忠介

董之威

合州諸生萬厯間妖賊田純聚眾攻城之
威率眾固守城賴以全又能出奇擊賊擒

其渠黨獻截軍門
授以職未任而卒

張秦凱

秦江人天啓四年征播有功授川北副總兵復拒闖賊陞天柱總兵會獻賊攻成都

秦凱守東門

城陷死難

張邦登

綦江人鄉里中喪不能殯者邦登助以棺具於未邑有大災所居左右俱燼其家獨

存人僉謂好

善之報云

夏衍虞

江津人天啓丁卯舉於鄉任臨漳知縣有惠政陞曲靖司理署道事丁亥張賊陷滇

衍虞賄巡按羅國璉書約為義舉事覺遂與國璉俱閹門遇害

李興

永川人路拾遺金盡還其主市猪過於所直逸其主償足之晨出遇盜其園蔬者即

歸以避之其
厚重如此

董畫倫

合州人舉鄉薦歷大同鞏昌府丞以鯁介忤時歸築舍蘭溪謝絕干謁值奢商據重

慶將入合州畫倫捐貲募兵與州守議拒賊賊使吏蔡璇招降倫別其請以酒吞而殺之兵威大振賊不敢入境川以北賴其保障督兵進取佛圖闕為賊所害事聞贈光祿卿世襲錦衣千戶持祠血食

詹天階白璽王三元封尚聘馮應期

俱秦江諸生
值播賊變被

執不屈一
時同受害

蔣世鉉

永川人獻賊遣其黨由重慶入永川居民竄匿世鉉倡集義旅二百餘人櫻城守禦

後與賊戰於東門為賊所執招之降世鉉頭目大呼曰寧速殺不屈賊怒寸磔之臨死罵不絕口

李文陰

壁山人崇禎間任川北鎮副總兵守石陞與張獻忠戰於白水江被擒逼降罵賊不

屈死

羅良沛

壁山人好善樂施歲置棺數十具貧不能殯者助之藏殮出積穀以賑年八十年

曾異撰

崇禎人崇禎壬午舉人知貴州永寧州賊陷黔甯州人望風欲遁時江津進士程

玉成明標聲譽勳寓州署與曾畫策曰州據盤江天險扼吭全滇衆之不守直人臣義乎遂激勸軍民竭力拒之賊至愈衆勢不能支城遂陷異撰同程玉成異想赴閩署自焚死

羅大爵

台州人崇禎間鎮成都賊至死之

董克治

台州諸生魁梧慷慨崇禎末獻賊破重慶考原小州克治頓貨募義勇殺賊甚多後

於水安坪與賊死戰力不能支率兵民據洞中避
賊賊誘以高爵不為動相守月餘賊壁山積火其
上已三千餘人賊色志風
表色無變志俱被燬而死

郭大德

到吳人隨父宦之楚省新江旅館拾遺金
還王家居喜施與族黨貧不能婚嫁者力

德之人
德之士

梁士騏

水川人崇禎己卯舉人款賊陷城士
騏避賊欽執以行騏不屈大罵受刃

彭瑄

水川人登崇禎甲戌進士授福建漳州府
推官行取工科給事中植素賊變被執大

勇不屈受
慘刑死

曹立卿

江津人郡庠生賦性端方潛心經史以躬
行實踐為學持功過格二十餘年言動不

苟為鄉黨所矜，文明未闢，逆陷京師，立卿聞之，北
向泣血，悲憤成疾，泣歎賊據川懸，偽職逼勒士紳，
龍路甚眾，立卿誓死不污，偽命易質時，戒子攸曰：
吾家世受國恩，爾弱冠登賢書，茲大節攸關之日，
失身取義，只爭些子，吾一生自反，無愧今日，可謂
得全所生，爾勉之。又曰：我北時若萌一貪生念，
便如烈火燒身，想到守身全歸，
真入清涼境界矣。言畢而逝。

張九經

涪州人，客有隱金銅佛中，寄其家，後家破，
盜以佛故未攫去，客至九經，歸佛與金，客

感其義，分金
謝之，竟不受。

段高選

雲南人，進士任巴縣，忠厚慈祥甚，
得民心，簡賊變，被害，邑人悲之。

王錫

字古田，江西新建人，進士任巴縣，有實學，
異才，受民課，士聲卓，一時獻賦，陷倉錫倉。

卒被執陳士奇備受五毒噤死
與巡撫陳士奇備受五毒噤死

王行儉

字贊行江南宜興人崇禎丁丑進士知重慶府甲申六月獻賊攻城城陷賊縛巡撫

陳士奇知巴縣事王錫暨行儉縛之漢武場中村殺之俄而雷電晦冥獻忠對天誦曰我殺人與天何涉祭飛礮向天齊擊之遂皆遇害

保寧府

漢譙 鉉

閩中人成帝時以對策高第拜議郎數陳災異及莽居攝易姓名竄歸公孫述連聘

不起賜以毒藥鉉嘆曰保志全高死亦何恨
其子瑛盡捐家資十萬以贖父死乃獲免

蜀漢黃崇

閩中人事後主為尚書郎鄭艾寇蜀崇勸諸葛瞻速行拔險不從崇苦諫汎沛艾兵

入綿竹崇帥麾
下力戰死於陣

程

畿

字季然閬中人昭烈領益州牧辟為從事
祭酒章武二年昭烈東征敗績畿奉命奔
江走石門灘追者甚急或告畿曰後追至解船可
以免畿曰吾在軍中未嘗為敵走況從天子而見

危哉追者至畿

月執戟戰死

五代姚洪

隸董璋部下璋反唐令洪戍閬州璋以書
誘之洪投諸厠州破謂洪曰何須相負洪

曰老賊昔為李氏奴感恩無窮今天子用汝為節
度何負於汝而反耶寧為天子死不同人奴生璋
怒然鑊於前令壯士十人剖其肉
自啗之明宗厚恤其家官二子焉

宋羅承之

巴州人少慷慨好兵畧乾德中文協率眾
攻閬中承之竭兵募士擒協太祖召見賜

感義軍節度使兼知巴州

上官正

開封人太宗時為劍門都監李順遣衆數萬寇劍門正麾下止疲兵數百激以忠義

勇氣百倍會成都監軍宿翰兵至正與合兵擊賊大敗之斬馘幾盡時朝廷深以賊阻棧道為憂正孤軍力戰閣道無壅王師得以長驅滅賊以功加招安使又與平王均劉旰之亂官至大將軍防禦使

張憲

閬中人岳武穆用為偏將驍勇絕倫征戰有大功與岳雲俱為秦檜所害明追謚烈

丈侯配祀岳武穆於杭州西湖及湯陰

楊震仲

知南部縣有惠政及民吳賊招之不從飲毒而死

朱勇

利州統制與金人戰於瓦亭被執臨死罵
詈不絕口事聞立廟賜額忠節在寶峰寺

之東

趙廣

寶祐間為閬中推官有
氣節元兵至不屈而死

張實揚立徐昕王佐

實為馬湖守將為元初璘所
獲遣招苦竹隘實入隘遂與

守將楊立堅守元兵至劍州攻隘取之立戰死獲
實殺之進圍長寧山鷲頂堡守將徐昕王佐亦戰
死

曹友聞

利州都統有智勇屢敗元兵遂扼仙人關
蜀帥強徽徙大安與弟友諒部將劉虎齊

發衆敵力戰一軍
皆死血流三十里

江彥清

巴州人德祐初任珍州守瀘州守梅愿春以城降於元元兵併力攻珍城城陷巷戰

死而

元范忠

至正間為劍州萬戶明王珍陷巴州擒之不屈而死

明鮮弘

閩中人任醫學正科天順間寇掠南部通閩境檄弘率民兵禦之遇賊力戰死旌祀

張友諒

南部人成化初邑中苦山賊劫掠知府李正芳檄友諒及其弟友富友貴率敢死之

士搥賊巢穴絕其黨類追賊魁儀隴斬之當道嘉獎欲表友諒為巡檢固辭御史費廉有詩以表焉

王通

南部人藍賊猖獗太守李正芳使衛封境通生擒掠陣三人斬之於市後同黃興逐

賊通斬賊首一人以獲兵不至通與同冒矢石死之太守躬視俱給以冠帶殮葬之存恤其家

劉

湖

閩中人弘治初歲饑湖捐金急
公奉檄散賑岳池全活甚衆

傅義

閩中人知保定縣遭值逆瑾用事毅然不
出遂罷歸瑾誅起用永福縣卒時人語曰

李言無間於鄉閭
正氣不阿於權倖

李毅

南郡人讀書明理有詩文集宣德正統間
儲穀數千石賑貸貧民遭歲連荒乃取券

恣焚之仍納穀數百斛
於賑濟倉中人稱其義

雷應通

廣元人正德初流賊衝百丈關縣令何溥
提兵拒敵應通父子七人踴躍倡衆誓以

死戰經旬無後為賊
所執父子俱為賊死

李開之

劍州人冠帶散官都御史林俊募征鄜藍
率兵至八寨山挺身赴敵手刃二賊為賊

捨不屈而死林公
杜之祀忠義祠

馬

傑

正德中知蒼溪以剿
馱賊戰敗自刎死

陳

表

蒼溪諸生馱賊迫境表率鄉兵陳祐聽
等禦之盡日對敵殺賊數十人無後被執

不屈罵賊死

袁

璋

南江人正德間盜賊倡亂都御史林俊委
令獲賊璋所向有功其後兵盡夫竭為賊

所獲男棄親身執父連殺七賊致擒獲死三日目
睛腫視其父林俊為詩挽之榜其門父子忠節懸
刺於軍嘉其節義勒石
強盜廟祀於忠義祠

羅

照

南昌人正德中以吏員任劍州判官鄢藍
之變率鄉勇拒守被執不屈死之其子价

復號召勇士圖復父仇亦見教奏聞驗送還
擲磨价子入監讀書復於州東為立忠義廟

徐昊

千戶所百戶奉令討鄆藍多斬獲功副使
為傑於鐵山關被圍昊單騎進救援兵不

至被擒罵賊不屈死總制
彭澤為奏聞贈正千戶

蔡高

利州府指揮值鄆藍之變奉檄守隘
賊至高督眾力戰為賊所執不屈死

馬繩祖

利州衛百戶者首叛督兵戰江門身被數
創猶奮勇衝陣死事聞旌叙崇祀忠烈祠

楊輔政

通江南山巨族也正德間督平族眾追鄆
藍賊戰於羅江列坪鎮賊屢却輔政乘勝

逃北孤軍遠入發兵不前力戰死都
御史抹俊奏聞立忠烈坊以旌之

苟惠

通江人剛烈有膽畧藍賊起惠率兵合彈
獨軍為犄角以擊之賊敗走龜潭惠從間

道衝殺賊溺水中死水為之不流復與戰於松樹
短殺傷甚衆會日暮賊伏兵出惠力臣而死有司
錄其子良策為縣諸生良策
方虛墓賊擄之去亦不屈死

苟

溥

通江人惠族弟背力過人耶藍陷城燬火
烟焰蔽天溥帥銳卒五百人合兵進擊賊

賊於三花頂兵聲大振尋又敗賊於龍潭尾梳山
谷忽賊數百潛入其家溥短兵接戰身被數十創
死父子兄弟同時
遇害者三十五人

張茂輔姜玉山鄭廷祿

俱劍州人領
鄉兵禦賊死

鄭

輅

劍州人耶藍賊陷城輅奔歸謂父母曰賊
至矣請死以當之遂縊於門賊哀之父母

得免
於難

朱林趙俊王思政

俱劍州人時鄆蓋賊起禦戰而死今俱祀忠義祠

馬仁德

巴州人嘉靖七年大荒疫仁德出粟濟貧掩埋流殍二十有餘御史邛道隆獎曰馬

仁德濟貧掩骼仁人所為誠不易得乃旌其門曰尚義

王名正

千戶所千戶嘉靖中奉委採木時入山多觸瘴生還者十不三四人多規避名正獨

慨然請往殺木千章果死瘴癘遺言寄子曰我死無遺憾獨母老失養為不安耳汝善圖之一言不及私學使郭子章為立傳

盛典

利州衛千戶萬曆丙戌盜賊猖獗秦蜀皆擾至典受重傷血漬衣履猶躍馬殺二賊死

擾至典受重傷血漬衣履猶躍馬殺二賊死

王才啓

劍州諸生流賊攻城才啟登城禦敵射殺二賊城陷遂遇害

李猶龍

廣元人獻賊破廣元猶龍以抗節被害

楊于鼎

劍州人舉孝廉崇禎十年寇至舉潰于焉率子姪楊令青等與州守徐尚卿守城

陷尚卿被執于焉率眾巷戰奮臂擊賊賊怒支解以死子姪並被殺

王承祖

劍州人御史梁之棟僕也獻賊據蜀之棟子田璧知不免止一五歲兒名繩武召承

祖夫婦囑之曰一綫之脈盡託於汝其善保之梁氏一家俱遇害承祖負繩武以逃賊追急遂棄已子而匿繩武巖穴間得脫後賊復起知繩武在欲索之承祖又負之逃丐食山中及盜賊平息為之經營婚娶延師以教庚子舉於鄉

奇童子

通江人崇禎間流賊犯境邑令李存性守禦甚嚴賊知不可近佯為官兵將襲城道

遇童子給之曰勿言我兵也童子佯應之且走將及城門大呼曰賊至矣賊殺之邑令為葬於城西

祭以文

羅中元

字文魁劍州人任湖廣襄陽經歷有介節休致歸置田數十畝以贍族人復置祭田

以供祀事郡守楊如震為義田記以美之

劉喬枕

陝西人令昭化崇禎十年賊至陣亡祀名宦

徐尚卿

福建人由舉人知劍州崇禎十年寇至召州民語之曰此城必不可守爾等當避之

吾惟有死衆不忍去尚卿手書城空不可守杖節為誰危苟竄那無計殊羞孤影隨數語匿于懷自

死 緘

單之賓

崇禎末以中江教諭署劍州賊至民皆散去之賓罵賊死

鄭夢眉

江西人崇禎壬午知南部縣永孽自矢興利除奸政聲迥異獻賊至夫婦不屈俱

死

李俊英

南部人郡庠生姚黃賊掠南部俊英涕泣誓眾起兵旬日得數千人禦賊江岸戰屢

捷賊不敢犯日久糧乏其弟跪泣告曰我等冒矢石城中人相繼遁去無援矣曷暫退俊英叱之曰寧為君父死不為一身生自是無敢言退者賊計窘將引還會同事有忌俊英者噪而奔賊得從下流渡圍數層俊英奮勇突圍多殺傷不得出還至江岸投水死

順慶府

漢紀

信

廣安州人為漢將軍項羽圍漢王榮陽急上告之信曰事急矣臣請誑楚可以間出

信乃乘王車黃屋左纛曰食盡矣漢王請降項羽信之策王得以數十騎出西門進去羽於是殺信

宋時加封忠

祐安業公

紀通

信子高后八年大尉周勃討諸呂通時軍符節約北軍竟成安劉之功

蜀漢張嶷

字伯岐廣安州人昭烈時以都督平山賊孫超葛太守政先恩惠華望降服後拜邊

進討軍與魏戰

大尉之六廟以祀

晉譙登

字德則西羌人蜀之將也父為孝維巴西太守馬脫所殺登募巴蜀壯士得二十人

時鎮西將軍羅尚駐巴郡益從尚索益軍討雒不
與尚往攻石渠斬魏副頭食其肝巴西賊破復詣
尚索軍尚怒遂以不利解乃加責於尚尚但下之
而已會羅英攻雒太守李雄舉梓潼未降益徑進
治城雒自攻益為益所破而尚恨益之見侮不共
其軍食雖知之遣李驥攻益兵弱士餓誓死不還
尚亦餓死而無去者永嘉三年為驥
所主得見雒言詞慷慨不屈死之

唐何

滔

岳之人恐居讀書於金城山天寶間安史
之亂舉義兵討賊死難廟祀此山宋時賜

副口
實界

宋趙

寅

西元人監進士第官至奉議郎開
中分如有氣節元兵至不屈而死

杜

源

蓬州人軍親孝聞格中蜀大饑度道存載
道北路尤甚源慨然曰民吾同胞何忍暴

露遂別男女骸
骨作二塚葬之

王雲

字子龍西充進士歷官講議司編修欽宗
遼康王如師雲為副比至磁州雲有膽識

衆忌雲立功故賊之雲
遂元謚忠介贈尚書

施擇善

寶祐六年為遂州連山轉運使元兵入劍
門連山守村遂以城降擇善不屈而死

明姚氏一門

永樂靖難時姚氏衆闔門男婦置酒哭
祭建文痛飲俱極死鄉里積屍焚之為

棺木二丈許大害藏焉太守不敢顯旌
題其碣曰姚氏之門在城南紅土坡

孫仲玉

南充人正德癸酉流賊侵縣仲玉與衆守
李灘為賊所獲令探水仲玉示不可渡且

呼衆固守之賊不得渡新仲玉遂
去總制彭公大書忠義以表之

何本清

儀隴人鄆蓋賊攻縣本清當先陷陣力屈死之事聞旌曰忠義

馬 讓

字尚德西充人由貢生任都察院都事正統中陣亡賜祭葬廕其子惟善入監後惟

善官湖廣臨武
今亦以清節著

費弘道

蓬州人鄆賊犯境王僉事令領兵隨至營山剿賊王被執衆皆首鼠獨弘道躍馬格

鬪殺數十人力屈死之事聞旌恤其家每歲給米帛免其役子孫世襲冠帶附祀忠節祠

王 源

山西五臺人分巡川北道督兵征鄆蓋至營山遇賊死之有死節傳見藝文志

張添壽

營山人有膽氣追鄆蓋賊至富順三母難戰死事聞旌未曰義勇

蘇應奎

渠縣人樂善好施值歲歉餓殍盈道瘞者千餘人

蕭伯瑁

渠縣人耶藍之亂瑁率堡兵剿捕累立戰功後以疥接不至戰死巡撫林俊為文祭

之

鄧俊

石首人任營山典史署縣事川北僉事王源命督兵禦賊藍廷瑞等城陷俊父子被

執罵賊死事

開痊其子

王樹極

渠縣人從李興師為裨將累立戰功乙酉恢復廣安乘夜攻城李戰敗為賊獲樹極

已潰圍出遂見之反戈

格殺數人被執不屈死

陳忠

渠縣人當耶藍之亂忠輸米五百石以助軍餉蕩平後詔旌其閭曰尚義之門

楊凌曦

營山諸生正德間藍賊陷城攜妻女潛避叢葦中賊獲之犯其妻妻不從凌曦不顧身

相拒而死事
聞旌為義夫

馬

仁

營山醫官鄒藍之
變城陷死於難

楊思義

西充人嘗以質貸人值歲荒凡未償者焚
其券又出粟千餘石入官賑濟有司立坊

以旌之孫

大領鄉薦

賈

雄

西充人為寧川衛百戶正德間以孤軍擊
賊於花牌樓斬賊百餘人力戰死賊亦敗

去僉事王綸檄縣致祭號

曰英勇作記以紀其功

吉

人

字天相西充人舉孝廉好施與常以財帛
濟貧居家教子必以忠義其後諸子俱登

第科

何子明

南充人嘉靖乙丑進士莛任錢塘砥節礪操不阿權貴有季吏目者冤死獄中子明

為鳴其枉尋召為御史多所彈劾遷廣東僉憲諸如戎馬屯政備邊之事無不詣志粵龍門從化賊陷亂新寧盜鼓噪從之勢甚猖獗當事計莫知所出子明時以少叅授節鉞招撫之不煩甲冑不肆殺戮且屢督將裨非生擒不作功由是人無倖志渠魁授首及紀平寇績晉憲副錫笄帛而子明已卒

李含乙

渠縣人由進士任禮部員外崇禎末丁艱里居時張獻忠破成都以其偽都督馬元

利掠順慶地戍守焉含乙破冢募士得數千人圍廣安州城幾陷會元利赴援含乙戰敗而死之

陳桂棟

鄰水人崇禎庚午鄉薦任內黃縣令有惠政陞徐州牧適李賊圍城桂棟殉節

王蘋

崇禎間武生獻賊至語其父曰食國家水
土力不能報畢命可耳父然之賊至其父

拔刀殺數賊死焉遂
擒蘋蘋罵不絕口死

王光先

營山諸生明季流寇犯城光先率義勇戰
於城北被執欲脅之降光先罵不絕口遂

遇害

李

完

西充人進士歷官御史致政
歸值獻賊陷西充完不屈死

楊文岳

南充人由進士歷任太僕卿忤逆璫謫外
時登萊新設巡撫文岳首任其事甚得軍
民心後命討闖賊困於汝寧敵執賊呼以先生又
岳大罵不食數日賊灌以粥嚼舌和粥噴血復罵

之

死

樊明善

南元清生附賊破京師聞變大恟時撫軍龍文光駐節順慶明善喪服詣軍門曰為

湖新去臣子不共戴天公聞變三日矣而無所施為那能深謝之復破家募士與獻賊屢戰死之

陳懷西

南元武生獻賊誘以官懷西曰寧作明朝武生宜作逆賊元老賊斬之懸首於東門

其子亦哀恸而死同時西元原生為孫鸞罵賊被賊割舌死之

李乾德

字雨然西元人崇禎辛未進士累官偏沅巡撫蜀亂奉命辦合江土兵將恢復地方

時賊據漢陰稱王一時靡然從之無敢一言抗犯乾德獨拒不從言詞凜厲後被執與其弟升德燻

既赴水死

張鵬翼

字南溟西元明熹宗禎丁丑令銜陽獻逆破城鵬翼罵賊被沈死事聞建祠卹贈

王爾讀

儀隴人王阜家僕獻賊破城縣令李時開
被賊逮及持執之爾讀奮身持石禦賊令

奔脫爾
清被殺

周宗應

儀隴人為縣倉吏索積士午景亮兵破城
知縣趙學敏被執宗應涕泣求賊願以身

代死賊
兩釋之

鄧士庶

字人麟廣安州人為廣東海陽令
懸官至吏部尚書甲申殉難死

泉應化

營山人值姚賊猖獗應化倡先修岩達近
難民俱集邑中再世恒丹先元亦各以積

糧濟之各若堡俱破比若獨全存活無數若中泉
恩厚丹良富李尚聽出若還守被賊執俱不屈死

王宋

儀隴諸生時姚賊破岩被執宋
曉以大義賊偶疎遂墜岩死

李

沁營山諸生與生員李晟督邑中義勇捍流寇有功姚黃賊起沁與晟守城東被寇傷

死俱

席雙楠

儀隴諸生值姚賊破若被執雙楠請於賊肅整水寇向北拜伏月而死

劉義國

儀隴人姚賊破若被執義國指賊大罵投若死

楊正道

儀隴人值姚賊破若與其妻王氏被執賊脅之降夫妻罵賊不屈死之

叙州府

宋司馬夢求

叙州人溫公後裔景定中進士咸淳末調江陵沙市監沙市地險固恃水為防

德祐初水忽涸元兵來攻乘南風縱火都統程文亮逆戰敗降夢求身著朝服望闕再拜自縊死

王佐

為長寧守將實祐中元兵後長寧佐與其子俱不屈死之

明向能

成化初任長寧典史會晏州夷攻城父子奮勇出戰死於陣

侯啓忠

長寧人弘治間進士歷江西參政安化之亂啓忠倡眾削平精忠盡節播聞中外著

有清里

文集

楊廷用

宜賓人弘治中任應天府治中素行端嚴剛介不屈居喪廬墓恤孤僕田有友人于

忠母死不能殯捐貲助之鄉人服其悻義

夷靖

沐川土官嘉靖初捐田種三十石為學田又出穀一千石賑饑民當事嘉之

唐大湖

隆昌人隆慶初大旱大湖散粟賑濟全活甚眾事聞勅建義民坊旌之

尹伸

字子求萬曆戊戌進士歷官陝西提學湖廣布政以節義文章自負善草書尤工於

詩有自編東遊等集甲申歲避亂山中遇賊罵不屈賊重伸名欲生致之至井研縣界罵愈厲賊怒

殺之

馬完驥

陝西人萬曆中知長寧以忠勇死題請崇祀

張振德

蘇州人由貢生授興文知縣值奢崇明叛賊兵奄至振德血戰力盡痛哭入城率其

妻錢氏長媳顧氏次子張焜女淑英淑慶北向再拜縱火自焚僕嚴英顧美等男女二十一口亦同

時投烈焰中死惟振德長子純以應試歸僅存一息事聞贈光祿寺卿諭祭建祠立坊諡烈愍磨

一子錦衣衛正千戶其妻錢氏等一體旌表附祠義僕嚴英等照例給卹

王碩輔

貴州人萬厯間知南溪縣者首之變抗節殉難事開贈尚寶卿

艾吾鼎

湖廣漢川人知興文縣署宜府魁至屬聲罵之夫婦就戮閭門無存者

聶純昌

天啓辛酉舉人是歲冬春酋叛犯縣城純昌集鄉勇數百人拒賊東津殺賊甚衆後

敗却被執不屈死歷其子

侯良柱

郡人天啟間以副將充鎮守四川總兵官時奢崇明猖獗良柱奉命討之戰於水蘭

崇明授首進秩宮保歷一子錦衣衛指揮獻賊寇蜀良柱屢戰於綿州高本山力盡而死賊裂其尸

李縉

宜賓人天啟辛酉春酋叛縉為千總領兵堵禦敗賊於慶符之小蒜壩陞遊擊與賊

又戰於金鷲池陣亡巡撫朱燮元題奏賜世襲叙南衛百戶

李師聖

隆昌人天啟時任大同推官遇流賊陷城闔家死難子迎峻賜廕

盧元卿

字調元富順人天啟己卯解元累官寧夏河東道以清廉著聲聞賊陷秦恨力不能

致討轉徙秦嶺

間憂憤而卒

盧安世

字環水赤水衛舉人天啟中巴學博奢賊掠城邑令死之安世鼓集義勇誘賊渠孟

竇山入城斬首持示賊賊驚潰掩殺無數後以監軍平賊有功陞兵備叅議甲申寇至不屈而死

劉佐聖

永寧諸生天啟中知奢夷有叛志乃服衣冠諭以大義賊刃之崇禎二年奉旨旌獎

入鄉

賢祠

張令

蘭州土人初為宣撫奢崇明土目崇明與子寅將叛令密通撫鎮願斬以獻事聞擢

副總兵守川北統領通巴五路屢著軍功賊不敢
通境者數年令善弩軍中號神弩將軍未幾調守
夔關賊至呼其壘曰誰是張
將軍令挺身出戰中弩箭而死

胡

棟

字壯宇宜賓人萬厯丙午舉人歷官鞏昌
府同知崇禎丁丑寇警捐金修築北關敵

臺又嘗輸餉招募義
勇有功叙人賴之

李師武

宜賓諸生與魚嘉鵬同舉
義為賊所執不屈磔之

郭大勳

宜賓諸生為流賊所執
大罵不屈闔門俱死

王應世

宜賓諸生流賊陷
城被執不屈死

李合宗

宜賓人大司馬樊一衡塔時獻賊陷蜀一
萬奉命剿賊賊遣偽都督索其家遂執合

宗賊惡欲借以招一蕪合宗不從械至成都見獻
忠罵不絕口又諸生梁為憲亦一蕪圻與合宗同
志並械至成

都俱死之

李獻忠

成都右衛正千戶為人忠勇歷征九竊白
草有功陞黎雅守備調雲南征緬甸奪戰

象執渠魁大建奇捷陞本省都司僉書時建南夷
環陷險奉督撫令引兵把截為湖獻忠請增兵餉
未報建夷乘釁大舉外援斷
絕獻忠力戰手刃數賊而死

劉之綸

字與鷗宜賓人崇禎戊辰進士選庶吉士
以言事起擢兵部侍郎上未出師會戰於

北左右度不支請進輸曰惟一死以報
君引刃中流矢卒喪運諭祭奠廕其子

劉信

南夷人歷官廣西參政有廉名黎
飯信討之親冒矢石遂死於陣

曾印昌

叙州人叙南衛世襲指揮同知陞遊擊分鎮白水江獻賊圍成都死之

周壩渡子

其姓明末流賊與官兵相持兵拒南岸寇拒郾城官軍是賊欲度江壩之喝

度子罵舟不從且罵聲罵賊遂破殺

魚嘉鵬

字禹程郾屏生為學力行獻賊遣偽官至嘉鵬平殺殺之賊大搜獲拷詢其黨嘉鵬

厲聲曰我自為之恨不能殺盡賊耳他人何與賊磔殺之大學士王應龍特旌焉

晏正寅

宜賓諸生母早喪父貧且微不復娶買易教子正寅體父志讀書以成名及父死哭

泣三年依依荒墓邑侯常公嘗親奠焉已而獻賊擄蜀校執不屈死之

楊興旺

永寧人流獻賊餘黨據永城興旺攜家遠避為賊搜捕興旺大罵賊斷其舌又噴血

怒吾賊碎其屍
闔家俱遇害

熊兆桂

字若乘郡庠生乙酉春獻賊踞蜀兆桂率兵拒戰被縛大罵曰天運至此任爾賊奴

賊賊良善賊殺之到其皮布
鼓懸之城門今出入者擊之

劉芑

字玉巒郡庠生嗜古文詞甲申獻逆殺掠人民芑被執見其貌偉強入伍芑誓罵不

絕賊
殺之

張祖周

郡人苦志力學獻賊陷蜀語其友曰百年有盡何貪生為遂赴潭水死

周元孝

字慕若郡人幼力學有文名初聘何氏女為配後何女替且賊父母將毀盟元孝堅不肯從竟成姻索慎丙子舉於鄉甲申歲元孝為賊所執強以官辭不受賊殺之

何察

夔府人明末蜀亂誓不苟生遂自縊其子五歲日夜抱父棺痛哭不食而死

袁向科

琪縣舉人官湖廣江陵今從里值獻賊變連避不屈賊徧索之得於鎮雅園家死難

夔州府

五代高彥儔

為夔州守將劉光義攻夔州彥儔閉牙城拒守判官羅濟勸其走彥儔曰吾昔

不能守秦川今又奔此雖人主不殺我我何西日見蜀人乎又勸其降彥儔亦不許乃自焚死

宋秦傳序

序化中為夔州巡檢使賊李順犯夔州傳序督士卒晝夜拒賊賊破之食傳序盡出

已背市酒肉以犒軍士衆感泣拒戰城陷投火而死

上官夔

宋末為萬州守將時元兵圍城夔守禦甚力元招之降不從城陷夔巷戰而死

楊壽孫

雲安軍主簿元兵至清江縣壽孫與將官何唐安惟臣田廣澤多坤等連戰二日俱

之元

韓

明

開州守將元兵破開州軍潰散明父子猶率部兵巷戰力屈被執死之

明青文勝

大寧人洪武間為龍陽典史邑賦凡三萬七千有奇濱於洞庭每苦水患民不能輸其誠切詔減賦二萬四千餘石民德之妻子貧困

不能歸占籍龍陽有司祠祀扁曰忠惠

黃從禮

巫山人永樂間任交州同知黎賊之叛抗節不屈死

唐儉

雲陽人成化十九年有雲陽會試舉人周欽李林劉斗邱鑑柴伸柴奉並指揮二人

覆舟僅以身免儉各具衣一襲銀
十兩為治裝赴京其好義如此

王禎

成化中任夔州府通判時流賊寇巫山禎
率兵攻之追至大昌馬陷泥中為賊所害

事開贈夔州府同知
立褒恤祠以祀之

陳禧

廣東香山人正德初任梁山縣與史領兵
擊賊死之巡撫林俊嘉其忠勇祭之以文

時植

通許人監生正德初倅梁山攝縣事流賊
方陳攻城力戰死之妻賈氏自縊女赴火

死事開褒嘉及其
妻女並錄其子

杜斌

天寧人監生為河南沈邱縣丞正德間流
賊攻沈邱城同都司王寶督眾力戰援絕

勢孤遂死馬嘉靖初事
開贈知縣廕子入監

向孔洙

大寧人正德間流賊鄔藍攻縣孔洙率民兵臨城拒敵相持數日城陷孔洙奮勇出

敵衆皆鼓譟隨之面中流矢猶力戰殺傷數賊賊勢稍却賊又詐議和突入城獨尋孔洙孔洙墜城

死而

李清

開縣人正德中流賊壓境委守險隘賊間出黃土增清知其狀要擊斬之事聞授武

寧巡檢司

陳秉元

開縣人正德七年鄔藍為亂揚言欲奪臨江市秉元倡率義兵二千有奇追至富順

三毋灘奮勇當鋒賊衆辟易援兵不繼力戰死鄉人義而祀焉

雷禎

新寧省祭官鄔藍賊熾巡撫林俊聞其勇敢檄取領兵追賊至蒼溪時官兵敗績禎

奮力對敵手刃數人而
死當道哀之遣官致祭

朱伯通朱伯珍

俱新寧人值鄆藍賊之亂兄弟並
起義兵屢戰有功後俱死於難都

憲表
其墓

徐敬之

梁山人剛悍過人流賊之變衆舉敬之為
鎮長賊至身先士卒力戰而死都御史林

俊題其墓曰忠勇

義士為文祭之

趙趣

梁山諸生流賊之難趣同其友黃甲呂鳳
何景蕭銳徐宣楊義寬趙采誓死赴敵連

戰三晝夜城陷死之都
御史嘉其義立祠祀焉

高日臨

江西鄱陽人貢生崇禎五年任大寧令蒞
任三載多惠政崇禎七年春流賊犯境日

臨以孤軍拒險禦賊被執不屈罵
甚罵賊寸磔之遂與官舍同燼

鄧天祿

萬縣人明末為太平戍守祀總與覃璞共
守城揚東隆陷太平覃璞被執賊欲降之

不屈賊磔璞天祿奮
拳擊賊賊怒並磔之

羅維先

萬縣人明末戍守太平揚賊陷城維先家
東門事危急手刃妻子驅家人聞於一空

縱火焚屋躍入
火中舉家俱死

吳獻棊

萬縣貢生獻賊入城被執強以為參軍不
受賊怒令斷臂解腕而死子之英亦被磔

向書

開縣人赴京渡黃河拾一囊內有五山舉
人王翔咨文銀兩因前追翔告之翔泣曰

吾但得文引夫金二百兩
悉可相貯書竟盡數歸之

孫天澤

奉節人有里人陳朝益因事鬻子天澤潤其忠哺既婦醫珥以贖又王明偶以納賦

道全活甚衆又遷流俘數百家萬曆二十七年兩

院額其門曰

躬奉天經

羅傑

大昌人明末賊亂鄉人告以往避傑云此處即避兵所正衣冠坐中堂刊書史以待

賊至傑正色再罵遇害

龍安府

唐田昉

昭宗時刺史王建陷城昉死之

宋王燦

平武人任宣府參事有惠政嘉靖間流寇圍城燦力戰死

明曾貴

洪武十年以指揮僉事任成茂松壘屢著奇功後征建昌清水江蠻中流天卒贈都

指揮同知遣官致祭至

今王人稱曾將軍云

梁道濟

鄧諸生與妻楊氏同避亂於山中賊執之使跪道濟罵曰我讀聖賢書忠義日許豈

為賊屈耶欲犯其妻妻亦罵曰我名家女士人妻爾速殺我隨夫地下子願足矣賊縛殊之夫妻至

死罵不

絕口

文理

均州人宣德中知江油縣性剛政簡番寇至理與民共守城陷夫婦死之葬金盤溪

梁昱

壘溪千戶宣德二年番寇攻圍阻截水道城中乏水十餘日昱妻身奮勇率軍出城

取水以濟軍

渴後戰死

蔣忠

疊溪所總旗正統間領軍進覘永鎮堡至白石坎遇起塘夷追至統牛山與夷賊討

疊忠氣益勵

中流矢而死

謝琳

成化中以指揮使征松茂分兵深入攻破番寨甚衆人稱為謝老虎後為番夷所襲

戰死

胡澄

疊溪所百戶弘治間守備普安堡番人攻圍澄督兵出戰追賊至朔蘆嶺力戰久

之不少怯
中流矢死

張鳳

松潘衛指揮弘治間提督三舍送明至松林堡忽遇蠟梅寨番賊至鳳奮勇衝陣手

擊數人俄被流矢貫喉猶忍傷拒敵而卒時風雨晦冥經月祭之而天始霽人謂其忠氣所感云

高照

松潘衛諸生正德六年值雪欄番僧叛照同諸指揮遂番番勢甚威被殺

邊輔史寬劉賢方捷

俱松潘衛百戶正德六年番僧雪欄王出謀為不軌輔寬

撰鋒過害賢捷被執赴寨罵不絕口賊番縛賢捷於柱刮腹剜腸而死事聞命子孫承襲各進一階

孟臯張果

松潘衛百戶正德十年巡撫馬旻征安觀諸夷臯攻於安觀果死於羊崗事聞

果無子弟臯子承襲如一級

李藻

貴州舉人任江油縣教諭正德中值鄢藍賊之變奉委督餉守城身親決戰亡於陣

李教

松潘衛百戶正德十五年征惡落等寨力戰死

邊

輪輔弟承兄職以輔陣亡進署指揮使有邊永興者輪家僕也史卜匪者本衛餘丁嘉

靖七年輪巡南路至北定關遇橫梁茹兒等寨惡番約衆百餘至輪與永興史卜匪等數人奮戰值天雨溪泛諸番四集輪被傷永興負輪而行至崖不能進執刃死戰知不能支乃伏於輪身主僕俱被害鎮臣具奏輪死為國僕死為主一門忠義誠為可嘉詔贈輪都指揮僉事永興贈百戶史卜匪等俱厚

齊優恤

田秀春

松潘衛倉官嘉靖十三年同李明蕭七輸運與強番戰俱不屈死

范伏三

松潘衛百戶嘉靖十三年取花寨力戰死

尹崇

松潘衛百戶嘉靖十三年攻阿孝寨力戰死

吳政

松潘衛十戶嘉靖十三年大小耳別寨番贊三百餘在五哨溝起塘政馳馬迎敵被

鎗而卒

謝世源

松潘衛指揮萬歷二十四年率兵救授至撈撒溝世源中箭傷死

張瑤

松潘衛百戶守小官堡羊崗賊番屢出石關瑤劫人瑤修橋於關南賊番突出瑤彎

弓連傷三人弓折被番磔死

李棟

松潘衛千戶防紅崖堡值賊番夜劫棟隻身相持至天明力不能支遂為眾賊剖腹

死

張學詩

松潘衛指揮任小河防禦遇羊崗番四集學詩手斬十餘番力盡被執夫婦皆罹害

施千瑞

授金吾指揮委小河練兵值羊崗番攻堡夜劫殺軍兵百餘人千端力不能支被殺

杜世仁

松潘衛百戶萬曆二十四年西夷火落赤子名八雁者率四萬餘人攻圍鎮夷堡數

日幾陷世仁父子三人堅守力戰箭中八雁貫腦死夷人泣聲滿營是日即撤營回巢世仁父子亦

各中箭傷

相繼死

胡寧

松潘衛指揮征番僧被執剖腹而死事聞以一子承襲

都連芳

小河百戶天啟元年與番賊戰於北門陷於泥河為賊所殺

楊鸞

松潘衛總旗南蠻叛鸞與戰於陵溝子賊勢衆鸞力孤被蠻賊殺之

王懋烈

任通判獻賊據蜀抗節不降舉義兵恢復兵敗全家死難

寧遠府

明高 明

西昌人以明經知湖廣長沙縣事有治聲
丁內艱還里戊子春風賊入建昌明督士

民拒賊賊家乞賊勢衆不能支明泣嘆曰我
文烈廷孫豈可以從賊乎遂盡室自焚死

雅州府

宋曹光實

郫人父時靜南軍使少武勇遷永平軍節
度乾德中賊蠻圍其軍光實揮戈負母突

圍出原遷都巡檢使後又擊蠻賊
於茂盧再戰破帝悼之官其四子

孫 璿

業經人號足菴父嘗穴山遁水灌田利人
人猶病其不足琦繼父志乃捐貲鑿之由

水獲利者甚衆
寧亦地地功即

何 亢

德陽人通判黎州攝州事元兵破邛崃關
元自利不死為元將所執為之降克嘆曰

吾三世食趙氏祿為趙氏死無憾道死之妻
陳氏亦罵不絕口死則時死者四十餘人

元侯彥直

邯人志胡校尉至元間王統魁雅彥直引
兵力戰於名山兵寡力弱為賊所擒罵不

絕口
趙書

明劉東陽

榮經人歲貢生嘉靖間官上海
縣丞倭賊入寇力戰死于鄉

馬京

黎州土千戶甲申獻賊犯蜀京未嘗與
弟亭攻圍邑將擒獲七十餘人於演武場

中明大義斬首祭旗起義師屢戰惟州龍觀山又
張茂倉以奔軍民以憂拜卒弟亭嗣之復賊犯川
誘執亭不

屈遇害

黃儒

福州舉人今榮經獻賊攻城
儒竭力戰守兵敗被擒磔死

直隸嘉定州

雍正十二年陞為府

宋王貴行

洪雅人宋末為興縣丞元兵至今率吏民追貴行降貴行嘆曰大丈夫不能忘君以

事仇遂整衣冠投水死

侯興

為都統德祐元年元兵攻嘉定九項山興死之
事聞贈復州團練副使

元趙資

任行者參政與完者都及參政郎革歹守嘉定偽夏明玉珍養子明三叔攻嘉定城

陷完者都郎革歹皆遁時資係交雲寺三叔執其妻子以招資資曰婦不死何為汝不見平章婦乎平章婦乃革歹之妻成都陷時赴水而死者資語畢以強弩射殺其妻已而凌雲陷資領敗兵與完者都郎革歹會於龍州謀興復為偽夏游兵執至重慶玉珍欲用之三人抗志不屈同日斬于市

蜀人謂之
曰三忠

明宿

進

字儒忠夬江人進士歷刑部員外郎遷瑾
擅權退以直言受杖卒嘉靖初贈光祿卿

縣人
祠祀

簡仁瑞

州人天啟丁卯舉人歷官平
涼知府流寇陷平涼死之

秦民湯

漢陽人知榮縣明末值獻寇亂
為賊所縛大罵不絕被射死

陳天祐

據為人家貧好讀書獻賊據蜀擢名不至
通賊將張可望駐縣南虎吼壩天祐被執

至營罵賊死
之闔門盡節

周正選

據為人拔貢值獻賊據蜀為賊
將張可望所執脅降不從死之

周正

批為人獻賊據成都今州縣捉之欲授以官正不從後被執與陳天祐同罵賊死之

其子成儒與少弟議以家屬託其叔父曰臣死君子死父乃共奔賊營尋父尸抱之痛哭賊並殺之

王運開

字豆錄夾江人崇禎間舉孝廉授雲南永昌府推官獻賊餘黨入滇攻永昌府城陷

自縊

王運閔

字亨錄運開胞弟崇禎間舉孝廉後往滇省兄遇賊陷永昌運開死之運閔被執過

江口占一絕曰行來漸近永昌府吾兄英靈如欲語兄弟不作兩截人魂魄同歸見父母遂投江死

宿士敏

字元魯夾江人崇禎間舉孝廉賊陷蜀偽令迫之出士敏治裝赴省至十佛巖策馬

投江馬死士敏泗水得生賊信其已死置不問已而士敏遂乘夜逃匿雅州山間易姓名人服其節

羅國

州人崇積癸未進士以御史巡按雲南因
獻賊餘孽沙定州入滇國獻按部被執大

罵不
屈死

余飛

洪雅人獻賊兵至飛誓里人曰義不共戴
吾里有從賊者共誅之於是戶抽義兵衆

至萬餘旬賊未飛選義勇伏左右兩山多張旂幟
於松相間飛自迎敵於花溪口戰輒伴北餌之深
入左右伏發翼而擊之賊天敗步騎皆陷田中新
賊無其飛且備且耕屢立戰功賊增兵索戰飛遂
軍 殲於

直隸眉州

漢朱遵

州人為功曹率兵拒公孫述
緋 為被擒不屈死贈復漢將軍

晉楊

稷

字文曹州人泰始初為交阯太守平九真鬱林日南等郡斬吳交州刺史劉悛大將

軍修則武帝方授交州會孫皓遣大將軍薛瑁陶璜帥十萬人攻稷被圍八月救援不至眾寡不敵遂為瑁璜所獲因稷欲送皓處稷嘔血死帝嘉其忠烈贈交州刺史

宋孫昭遠

眉山人元祐中進士調長沙尉有能績建炎初遷河南尹西京留守收集散亡為義

兵以拒敵既而金人來攻昭遠戰不利其下欲擁之南遷昭遠不從遂遇害

劉汲

丹稜人紹聖中累官直龍圖閣知鄧州與金人戰眾潰汲力屈而死贈大中大夫謚

忠介

唐重

彭山人少有天志大觀中累官起居舍人疏言開量之禍起於重貫宜誅貫以謝天

下累知京北府兼經畧制置使金人圍城固守逾月城陷重力戰中流矢死初重度金人入汴勢不可支以書辭其父克臣曰忠孝不兩立義不苟生以辱吾父克臣報曰汝能以身殉國吾含笑入地矣

史次秦

州人舉進士為秦安軍教授時兵曠叛招次秦次秦以石灰桐油塗目比至託日已

失明母又命家人詐以訃聞乃聽還及曠平改利州主管文字任至合州太守

家鉉翁

眉州人舉進士問學該博尤達於春秋累官端明殿學士兼書樞密院事元兵至使

奉表祈請被執聞宋亡哭泣不食元世祖高其節欲授以官不受後教授河間成宗即位放還賜以

金帛
解馬

馮仲暉

宋末知丹徒縣元兵入眉仲暉死之

明王用才

彭山人舉進士授寧府長史宸濠潛蓄異謀用才匡救以正誓死不從逮獄者累月終不屈竟憂憤死事聞贈太常少卿賜祭於家

直隸邳州

宋李

稷

州人絢之子以歷歷官陝西轉運使督餉孫永樂城既成犖致金帛其中以足儲時

夏人圍城急稷守之不去卒死於難

高稼

字南叔蒲江人嘉定七年進士真德秀一見以國士稱之歷四川制置司參議與元

兵力戰却之曰丈夫不于汗青垂名則碌碌人耳及乃城陷稼死之子斯得昭定初進士稼死事於

馮衛得府至其地奉遺骸以歸後李心傳領史
事群吏更館累官兼知政事著有詩膚說等集

郭正孫

州人舉進士累官太府丞坤興元
金人內侵屹守孤城遷死於敵

鄧得遇

州人淳祐進士知韶州遷廣西提點刑獄
時兵起破靜江得遇取幅紙書云家室忠

臣鄧氏孝子不忍
偷生寧甘一死

明黃宗晦

州人永樂中進士授兵科給事中征交趾
居守卜餘年夙疾奏觀時冒烟瘴而卒

劉養貞

大邑人由進士歷漢陽府推官陞授部郎
崇禎帝殉難養貞為持服垂簾悲泣尋卒

劉道貞

字聖仙州人天啟辛酉舉於鄉性恬澹工
詩文款賊據成部道貞避亂沈黎激勵士

漢河曾歎等舉兵收賊於小關山嚴道以南不被
施者危貞與勳之力也道貞為人雄密時羽書交

馳簿書必自投以勞卒人感哀之

朱蘊羅

江夏人知蒲江縣明末值獻逆陷城罵賊闔家死節

胡恒

天門人號補菴由舉人任邛州巡道明末獻逆陷城恒率子之擘巷戰死之先是恒

託友人娶源汪光翰調兵保城及翰調兵至恒父子已戰死媳朱氏探我生得脫潛民間光翰辱獲之多方保獲朱氏竟得全節及蜀平光翰送氏母子歸里蜀人多稱其信義云

直隸潼川州

雍正十二年陞為府

蜀漢王甫

荆洪人為綿竹令劉璋時為璋書佐先主定蜀遠為荆州議曹從事後征吳戰於姊

歸死之

唐李巨

宗室上元二年任遂州刺史東川兵馬使段子章反攻陷州城巨死之

謝萬歲

為遂州都督以討瑛州叛蠻入洞招諭遂遇害

稅隆

鹽亭人僖宗幸蜀有教罵功

顧彥暉

東川節度使賊來攻城援絕城陷彥暉手殺妻子乃自刎堵村亦自殺

五代夏魯奇

字邦餘青州人天成四年治遂州繕甲兵益戍守董璋懼約孟知祥攻之知祥

遣村軍李仁罕圍城魯奇嬰城固守城陷魯奇不屈自殺知祥義而葬之州人立祠祀焉

宋賈子坤

州人進士為西和州推官關外被兵子坤與郡守陳寅誓死以守城陷同家人死之

追贈承議郎官其子仲武其孫昌志純孝同登進士純孝後為右司郎中崖山師敗抱二女同妻牟

氏躍
海死

楊子謨

中江人性凝重淳熙七年擢甲科通判成都歲旱捐歲帑贏羨為民代輸時吳曦叛

諸蠻將俟釁而發子謨誓死守卒不動

累遷至嘉定州卒有退齋集四十卷

景思忠

字進之普州安岳人為長寧叅軍夷人寇清井思忠率部卒五百救之戰不利左右

勸引避不聽奮劍疾戰與弟思誼俱歿於軍神宗憫之官其子

蹇藝

州人以進士累官通判元兵攻蜀與子永叔堅守力戰衆寡不敵城破舉家死之

弟維之亦舉進士都統王宣辟行軍叅軍亦迎敵力戰而死

明王健

樂平鄉人多力尚義嘗收捕盜賊鄉境以寧成化六年土寇嘯聚健率衆擊賊力戰

死無事蕭凱弔以文有死
得其正千載垂光之語

劉

珏

中江人成化中進士官至鶴慶知府有惠
政民畏信服歲饑捐金帛以濟全活甚眾

贈戶部

侍郎

楊

鼎

字子亨安岳人弘治元年饑鬻入穀千石
於官以賑之知縣程春震以事聞旌其門

楊

最

射洪人正德中進士歷官郎中轉知府雅
著清操任至太僕卿抗言國事死於廷杖

隆慶初詔贈都

御史謚忠節

張

澄

安岳人任平江典史流賊寇平江澄與知
縣宋鑑率民兵出境對敵賊氣稍沮鑑曰

宜退保城東澄曰保城東則西南虛矣吾當以死
拒之已而賊前鋒至城西民兵潰澄力戰而死

事聞程表廢

一子入監

王嘉禾

州人由歲貢歷任武昌府教授凡四典庠校皆以身率士致仕歸恬澹寡營三十喪

偶不娶享年

八十餘卒

羅賢

蓬溪人正德間舉人任漢中通判鄆蓋賊攻城賢仗節入壘諭以禍福賊解去總兵

楊洪逼擾賊衆賊怒復加攻殺賢抗節死四川巡撫以事聞贈本府知府錄其子

岳廷鳳

蓬溪人任海豐縣丞值海賊圍城母子妻孥俱被獲不降死奉旨建坊

張公輅

字從質安岳人嘉靖七年饑公輅出穀千石以貸窮民官為給券公輅持券還官著

有耕

雲集

蒲來舉

蓬溪人舉孝廉任甘泉令委解軍餉數百
黠宿於治內夜間響馬賊竄入城劫捨居

民盡逃解夫亦走來舉主僕二人死守
殺賊數人過害贈太僕卿崇祀鄉賢

譚文化

蓬溪人壬戌進士仕至兵部車駕司主
事解組歸賊犯蜀欲招致之不屈而死

竇可進

安岳人崇禎庚辰進士官雲南兵備副使
致仕家居獻賊破安岳被執大罵不屈賊

剝其皮
磔之

李紹先

江西人崇禎中知鹽亭疏寇陷城縛執紹
先不屈而死贈光祿大夫廕一子祀名宦

王起義

字如蘇安岳人崇禎庚辰進士家居適張
獻忠陷蜀起義舉義兵萬餘拒之沒於戰

張公璉

字玉夫安岳人嘗拾遺金立求其人還之
歲饑鄉人貧不能償即焚其券一日遇故

人女沃而嫁之
又卒臨哭如市

李錦中

州庠生獻賊遣偽官考試潼川
錦中伴狂卧地旋閉戶自縊

張應禮

遂寧人官都司無書獻賊攻遂寧應禮募
民與捍禦城賴以完後援沔陽師潰抗節

死

姚思孝

遂寧人明經授內江縣教諭獻
賊執之守義不屈罵賊被殺

李永恭

州人崇禎丙子科舉人魁岸善飲獻賊據
蜀永恭避老安寺斷葷絕飲稱病卧牀賊

嚴索不赴乃令偽官昇至
成都張口不言引頸受刃

直隸瀘州

晉侯

馥

字世明，廬州人。舉孝廉，寧州刺史。王遜表馥為江陽太守，住江陽之北源。撫邛蠻，際

時李雄討李恭，已在江陽。馥修繕舟楫，為退取計。恭舉眾攻馥，眾寡不敵，為所破。生擒馥，送雒，馥不屈。

屈雄義而釋之。

宋王世昌

權廬州安撫使。元兵迫城，誓不出節及城，破自縊死。

許彪孫

理宗時為廬州制置司參謀，知州劉鈺欲叛降元，召彪孫，草降文。彪孫不從，闔門仰

藥死之。

明朱

琉

字德義，州人。弘治乙丑進士。正德十二年，任臨安府時，盜賊滋起，琉窮其淵，數率驍

騎擒斬之。紀雲南名宦。

曹滕

江安人鄧益倡亂滕率眾討之至東鄉縣界糧盡與張朝輔俱為賊所執不屈死之

總制彭澤錄其子曰思曰榮成請授冠帶世襲以報之

傅生

納谿諸生蘭賊起生聞之悲泣數日具酒食與親鄰永訣因題目不睹君親之難耳

不聞潛亂之聲四肢願付清流一心可贊上帝之語於扇頭以遺弱孫使僕負之逃舉家乘舟自沈

江中魁平聞於朝旌表其閭曰一門節義

高光

州人萬曆中舉孝廉任嚴州別駕歸里後值蘭酋奢寅叛死難崇祀

韓洪鼎

州人萬曆中舉孝廉任澤州牧致仕歸歎賊破瀘馬賊死

湯名揚

州人初素儒有識力天啟間蘭寇起名揚集義勇百餘隨大司馬朱燮元征討屢捷

授松潘守將時有邊警名揚自龍安轉戰三百里
乘若堡十數拒之累官為裨將流寇入蜀名揚遇
賊於虎頭山十數戰北之賊益恨急圍名揚於二
郎關援兵不至卒飢多戰死名揚被數十劍猶舉
刃殺賊賊大志殫之當

事聞於朝賜廕祠祀

韓國士

州人以勲裔為諸生聞賊逼城守者開門
降國士義不肯屈令妻朱氏子三人女二

人皆縊死乃題句於外壁曰不貪倖生不污賊刃
閨室同歸甘於一壘題畢赴烈焰死事聞於朝詔

祀祠

方伯元

州庠生獻賊亞州伯元
獨不屈厲聲罵賊殺之

晞容

州城七寶寺僧獻賊攻打豹子碕晞容奮
臂日礮中數百生靈豈可坐視其死遂糾

合鄉勇五百餘人身先衝殺賊大敗碭園乃解於是簡練精悍相持兩載先後殺賊千餘一日賊突至遂為賊害

曾薦祚

蘆州諸生獻賊陷城不屈投江死

楊鼎

江安人崇禎辛未進士歷官兵部尚書後殉難死

方旭

字升東郡諸生崇禎時獻賊破蘆掠諸生至賊所有泣訴求脫刃者旭叱之曰我輩受國家養士之恩三百年矣恨不能噬賊之肉尚欲覩顏求脫乎大丈夫死即死耳哀乞何益賊大

志支裂之至死猶怒罵不已

韓大賓

州人崇禎丙子鄉薦任貴陽楚雄兩郡推官獻賊陷滇不屈死

王萬春

瀘州衛指揮使崇禎末獻賊所至多降萬春率屯軍並招集義勇拒賊轉戰數日被

執不屈

家遇害

鍾子英

州庠生崇禎末兵燹後繼以饑饉蜀中人相食子英嘆曰吾讀聖賢書忍目擊此手

乃尚貪生為也妻亦不忍

離其夫遂攜手投於江

蘇瓊

江南人進士崇禎末知瀘州獻賊掠州城陷瓊正衣冠向闕拜泣坐堂上賊至遂死

之

直隸資州

周長

弘

資中人博學多智識敬王時為王畿大夫輸忠王室欲遷都以延周祚故列國大夫

有狄泉之役城成周也弘事劉文公劉氏晉范氏世為婚姻故周與范氏趙鞅以為討周人遂殺莒弘蜀人藏其血三年化為碧玉

宋郭

瓚

字直聲內江人隨父宦游寓安陸元符末應詔上書言天下大事不報後為汝陽令

金兵犯蔡瓚朝服坐廳事戰于大馬與二子俱死

趙昱

雄之子少好學以周程為師歷官東川節度判官開禧中吳曦叛昱貽書成都帥臣

楊輔勸舉義兵昱為曦等所制遂絕粒而卒

明馬炳然

內江人成化中進士知嘉魚縣擢御史歷陞右副都巡撫寧夏正德初改總督南京

糧儲為流賊劉六所殺事聞贈右都御史謚莊愍

余才

內江人正德間進士官至光祿寺少卿執持堅定智識過人以議禮死於杖隆慶改

元贈太常少卿

周冕

州人嘉靖中進士任御史疏請祀太廟慎選銓曹具蒙採納又請東宮講學以端國

本降雲南典史尋陞兵部郎中劾嚴嵩父子冒濫軍功力救楊繼盛寬廷杖為民穆宗登極擢太僕寺少卿以父憂歸卒於家

鄧景

州人性孝友兄明無子乞養陳氏子更名繼夔明卒景體其意撫愛如己子繼夔卒

又為立兄昌之子繼先恣以明產予之鄰人有負輸鬻婦者為代輸歸其婦歲大歎具棺瘞道瑾復施鬻以銷流移親黨不能自給者尤由為周恤人多德之

孫宏初

州人父環舉孝廉早卒宏初少失怙遵父遺訓依範肅然宗族子弟嚴憚之嘗居一

小樓靜坐讀書飯糲茹蔬意甚恬適值歲荒設粥賑饑女弟適張姓產珠簿宏初捐贖田助之子福

任知縣

有治聲

陳伯貫

資陽人世業儒嘉靖壬子歲山邑賦難輸今被遣責民因搗楚伯貫捐金代納後民

爭償之老辭不受撫按表其門曰儒義先聲萬厯丁亥甲午歲復大歉伯貫子大輔屢發積粟賑濟

全活甚衆至今人猶頌德

劉宏芳

資陽諸生為賊所拘持府歌行至西門遂投石橋灘而死

張亮

內江人字伯探少登賢書由員外郎備兵榆林陞都御史巡撫安廬時左良玉有異

志金陵震動亮軍明赴營談笑止之奉詔入
魏修議終日酒血披城皆見喜納卒猛忠烈

周世昌

內江人爲應廣成進士歷官雲南布政司
時土酋叛勢甚銳世昌與之相持四十餘

日糧盡
死之

張於廉

內江人弱冠登賢書任彭澤令一介不取
致仕歸適歲賊逼就餽職於廉不從與其

妻鍾氏
罵賊死

吳伯鈞

內江人舉孝廉任襄陽府推官討賊
卒於軍事聞訃祭賜卹贈官廕子

龍新明

仁壽諸生獻賊屠蜀新明集
鄉勇拒賊被執罵不絕口死

劉士凱

仁壽諸生值汛賊陷成都
同舉人賈鍾斗崇賊而死

陳應新

仁壽諸生寇陷城
被執罵賊死之

左灼陳素

俱仁壽諸生流寇陷
城被執不屈死之

辜鳳翼

仁壽人天啓甲子鄉薦性謹厚言動不苟
任靜海知縣廉潔仁惠致任歸值流賊陷

蜀以憂

憤卒

閔繼縉

仁壽人萬曆壬子舉孝廉崇禎庚辰知台
州修城繕學設粥賑饑育嬰施藥百廢具

舉時歲大荒民賴
以存活者甚衆

劉三策

江西饒州人由舉人於崇禎十三年任仁
壽流賊寇蜀夫死守城多方捍禦每對紳

士云事迫矣吾惟有不動心三字及
城陷死之事聞贈尚寶寺丞祀名宦

唐鳳翥

字一明一字成未江南甯松人崇禎辛未進士除嘉興知縣補仁壽作宰兩邑俱以

意得民既節崇侮危殞
沈血裏瘡接戰而死

賈鍾斗

仁壽人崇禎己卯科舉人值獻賊據成都鍾斗率鄉勇同諸生劉士凱等禦賊力戰

之死

直隸綿州

漢李業

字巨游梓潼人舉明經為議郎值王莽篡漢託病去官公孫述使人持毒酒脅之業

曰危邦不入遂飲鴆而死後光武下詔表其門閭以圖其像焉

李翬

業之子業以節死公孫述恥殺名士以贖錢百萬予之翬逃不受明嘉靖中立祠肖

像於業座

方配享

南北朝李苗

綿州人膺之子有忠節仕元魏為散騎常侍爾朱兆反苗奮曰今朝廷有不測

之危正忠臣致命之日臣雖不武請以一旅徑斷河橋魏主許之苗募人從上流下縱火焚橋兆兵

爭橋北渡死者甚衆南援不至苗力戰而死

宋張鎧

端竹人南軒後裔省祖墓寓楚長衡間時益王立詔天下勤王鎧起兵衡山移檄安

化寧鄉得民兵數十接應文天祥兵敗被執元將崔斌慕其勇欲降之鎧曰今降而死何顏見我祖

魏公於地下誠令書起兵始末鎧奮筆斥罵數百言斌怒殺之

明溫應祥

州人有勇尚義趙鐸肆掠州境應祥挺身拒之為賊所刺腸出裂布裹之復戰二十

里賊皆披靡遁
去至家而卒

曾傳

字子遇德陽人知咸陽縣以嚴為治豪猾斂手渭水厥傳拜於泥中水為之却尋中

妻語歸貧甚子守身舉進士官憲副歲時以俸寄養乃分贍族人自甘澹泊里人以此益重之

趙珊

綿竹人天順甲申德陽賊趙輝叛珊倡義攻殺手及數人搜捕散亡追至二郎鎮為

賊所害詔錄其子恤其家焉

吳瓊學

綿竹人與趙珊倡義討賊賊潰瓊學極力追賊遇害詔廕其子

王志恭

綿州人慷慨仗義渠賊趙鐸叛攻陷州郡志恭首倡討賊之義率兵二萬餘戰德陽

鐸潰志恭單騎擣其穴鐸幾就擒從兵不至為矛所中脇下腸出志恭以手捫腸大呼眾士前進賊

不死。而其事聞贈始信。
授尉廕其子成都衛百戶。

何光裕

梓潼人嘉靖間進士官翰林諫用仇鸞廷杖卒世宗遺詔贈太常寺卿所著有石亭

初集傳

於世

蘇夢蛟

綿竹人萬曆己酉舉孝廉崇禎間任陝西鳳翔令居官清正吏民愛戴邑嘗歲饑遂

傾已貲賑濟所活無算平生矜老恤孤助其娶葬未嘗少倦去官之日闔邑人民俱流涕罷市

陶以忠

綿竹人萬曆己卯舉人幼以孝聞好施與及通籍即以所得坊金置田給族之貧者

每平冬令鄉長各舉貧者與以衣曰吾餘此無所用行之竟其身

楊可賢

綿竹人貢生崇禎庚辰獻賦執可賢杖之曰汝子國柱守城汝令以城降可免汝死

可賢佯諾之及臨城語其子曰賊兵不滿千汝堅守城勿以我為念賊殺之城不可克舍去後賊復至國柱率城內士民數百人與賊戰力盡而死

李廣生

安縣人監生大中丞鑑之子積學有聲值獻賊據蜀催赴監廣生嘆曰吾為大臣子

豈肯為賊屈乎遂與其妻董氏投繯死之

張月曉

字二橋安縣人慷慨好義過荒出穀賑濟舉鄉飲膏年八十卒

趙鴻偉

安縣人明經教子晟成進士以義自守時獻賊據成都逼于晟赴監不應全家罹難

卜大經

江南人崇禎末任綿竹典史獻賊陷城大經與其僕極死

直隸茂州

明姜第

茂州貢生任重慶府教授行敦古處曾娶替女終身尤足風世

王達

保縣人幼業儒遇番寇士民畏不敢鬪達卧城門待旦力戰死之

王允德

保縣人多智畧時番夷屢破關堡允德出贊茶辦勇前後戰却之又屢諭和番衆使

不爭我民獲安堵縣令為表開命表下丙辛

朱讓棟

號几山明宗室襲封來國將軍居汶川為孝父母友于兄弟常捐貲濟內外婚喪以

居族族人之貧者建橋修塔中年喪偶逆不復娶人稱其義

高仲選

汶川人歲貢生任大足教諭獻逆攻汶川仲選攜子女投江死

孟時正

汶川人以明經知河南西平縣建學課士愛民如子致仕歸里賑濟鄰黨貧乏人咸

德之崇
祀郡閭

直隸遼州

宋景林洙

遼州人咸平初王鈞叛林洙率鄉勇拒戰於州北為賊所敗首殞而身不仆跨馬奔

歸人訝之曰公無首矣屍隨
墜地郡人即其地立祠祀之

袁洵

新寧人本冠進太學靖康中金兵圍城上
古言當東據咸阜西臨洵池以銳卒倚其

東穴別城下之師自解不報已而城陷洵歸漢中
畫防險五事其後虜萬復條十二事力抵使任用
事者忌之洵度不
見用涕衣而歸

明孫天舟孫天高

俱遼州鄉勇正德初從勦流賊天
舟兄弟與姪某及同伍完永冠永義

氣所激皆

死於陣

王世琮

遼州舉人任河南汝寧府推官聞賊犯河

南世琮與之力戰矢貫耳不為動號王鐵

耳累陞

河南參事聞賊破汝寧世琮為賊不屈

賊起用

大叱擊世琮至逆撫楊文岳俱糜爛死

冉

東鄉人崇禎時恩貢流寇猖獗家避天

氏妻向氏登樓

縱火自焚死

覃

太平諸生奉委守城流賊揚乘陸圍城百

日

計禦之三閱月城陷被執大罵不屈賊怒

磔之至死

罵不絕口

袁繼登

太平人由廷貢任陝西安化縣

李自成陷城索印不與死之

覃天明

大十人由貢生任陝西興安州州司致仕
歸開李自成陷都城流涕數日不食而死

陳勗冉學運

俱太平人賊寇蜂起勗未又團練鄉
勇堵禦賊入境勗與學運同時力

戰死

鄧明才

太平人揚賊圍城
明才出戰而死

陳三

諸生陳訂謀之僕明末遭劉二虎之亂全
家擄入賊營訂謀夫婦俱亡止遺一子陳
三恐其罹賊害棄已于竊負幼主而逃
撫育成立仍安主僕分閭邑公舉強獎

皇清忠義

成都府

傅永吉

成都人順治七年知福建長泰縣時鼎革初民弱兵強永吉善為彈壓九年海寇圍

城永吉晝夜履堞巡督砲如飛蝗不避也與守將王進率驍勇力戰斃弓瑄其酋長三人賊乃却城賴以全永吉方射賊時中砲洞腹氣垂絕猶大呼殺賊不止事

聞

贈按察使司僉事

致祭廕一子

蕭亮

四川人順治十二年以博士弟子員隨征入關知寧洋縣時寇盜充斥亮勦撫互用

復招集流亡修城郭百廢具舉士民立祠祀之

張畧

山西右衛人康熙九年任四川提標右營遊擊二年隨總督李國英勦郝搖旗劉二

虎諸寇師次夔府三淮鋪與賊遇力戰身殞

王之鼎

滿洲人任四川提督康熙十九年駐節永寧吳通滿將胡國柱等圍城急之鼎堅守

彌月援兵未至城陷被執不屈死之

王天祿

成都人提標侯推守備康熙三十九年隨師取打箭爐奉令守冷竹關與賊蠻力戰

歿於陣事

閩

卹賞致祭廕一子以衛千總錄用

周玉麟

成都人康熙三十九年以守備隨提督唐希順進打箭爐攻大岡得功議叙陞寃

山營遊擊四十八年寃山賊蠻羅都等肆掠玉麟

帶兵往諭賊蠻猝至四面圍攻矢石如雨玉麟身

中五矢猶奮勇決戰陷陣身死

吉贈副將卹賞致祭廕一子弘祚以守備用

重慶府

李如星

字升仙鄧都人有膽畧當流寇猖獗時欲羅致之堅不赴尋遣將張啓殺之次子嗣靖

請代不許抱父屍同死

黃瑶

字白雲志州舉人順治四年任陝西安塞令才智明敏遇事敢為殘疆大有起色六年

王永強作亂瑶死守孤城力拒強敵卒殞於難

聞贈按察司僉事廕

一子入監

張宋

陝西蒲城舉人康熙十二年知葦江縣時吳逆竊據宋矢志不屈憤悅成疾死

李成芳

巴縣人由拔貢歷任雲南寧州州同康熙十三年吳逆悖亂寧州把總李忠投賊劫

州庫成芳統領丁壯生擒李忠解報上官以功加議叙同知十四年賊復攻城成芳出城拒戰兵敗

死之事

閩 贈布政司參議 歷子忠賢入監讀書

傅汝友

巴縣籍 陝西延安府清澗縣人 官提標隨征 總兵康熙十九年出師永寧與提督王之鼎暨貴雅達等被執至貴州不屈死事

閩 贈都督同知

賜祭 英子弘經 歷衛千總

王無荒

號曙 靈河南孟津人 康熙十九年由貢生任 恭江令 未幾兵逆 餘寇至無荒百計拒

守 餉盡援絕死之

李文仲

巴縣人 任貴州安龍鎮標守備 雍正六年六月勅 減八達寨逆 戮力戰陣 戎事

閩 贈署都司 僉書

賜祭葬

保寧府

楊繼生

字爾和，閬中人。順治初，由進士知福建連江縣。內中寇陷，縣繼生繼死，城樓妻劉氏。

同日殉節

楊來鳳

巴州人。順治四年，以事六年改潮廣沅皮縣知縣。遇賊被執，不屈死之。

周表

方連官祭英廟按察司參事

劉崑

巴州人。康熙戊子科武舉。雍正六年，以署都司參事官烏家鎮左營遊擊。事八年，烏家鎮賊叛，崑提身決戰，身被數十創，力竭陣亡。妻張氏、女共氏並二女全家十餘人皆殉節。

大兵王得亮子登岬僕四人雲貴總督咨送四籍事

別奉

音加聘著遊擊事邱實致

於一子以守備用

順慶府

李映庚

字白符西充人父兆由進士歷戶部郎以清節名映庚由廕生授都察院司務康熙

甲寅兵逆叛具金幣招

映庚映庚力拒之旋卒

王質

浙江山陰人康熙十八年由陝西高陵縣典史隨奮威將軍王進寶入川討逆有功

川陝總督哈占請授柔縣知縣十九年因公赴省值廷延餘孽復叛被執囚繫數月抗節不屈死

叙州府

趙家駿

沂州人順治辛丑進士康熙十一年知南
溪縣時蜀省甫定城郭未修值吳逆叛家

駿自度守禦無具而職司守
土不可委之以去憂自殛死

魯明芝

湖廣鍾祥人康熙十一年任永寧中營守
備以不從吳逆棄官家永寧十九年賊將

胡國柱圍城明芝奮勇同
兵士登陴堅守城陷死之

周尚功

江西豐城人康熙十三年任永寧中營遊
擊以不從吳逆棄官十九年賊將胡國柱

陷城被執不屈死之全
家二十一口俱遇害

費雅達

滿洲人陝西漢羌鎮總兵官康熙十九年
調守永寧賊將胡國柱圍城與提督王之

鼎協力圍守孤軍之援城陷奮
力與賊戰殺賊無數力盡死之

張奇星

屏山人康熙十九年吳逆餘黨據馬湖百姓驚逃奇星團練族姓鄉勇百餘人挺身

抗賊逆黨奔潰鄉民復業
當事表其功曰忠勇可風

閻有貴

永寧人康熙十九年兵逆
攻永寧城破被執不屈死

夔州府

楊春芳

萬縣人由行伍歷官知管溫州城
守副將康熙十四年賊逆犯溫州春芳死
之二十年奉

音優卹
賜祭葬

薛人鳳

浙江人由湖廣夷陵州同於康熙十九年
陞夔州通判七月解軍餉赴渝州道經萬

縣道遭吳逆賊將譚弘叛率兵劫之於七里溝縛
至天城山以偽官誘降人風曰吾今日止有一死
耳斷不汝從也賊怒礮
子于頸奮罵愈烈死之

龍安府

徐維新

松潘衛人雍正九年以千總隨大兵駐
劉巴里坤賊兵黃夜猝至戰歿於軍奉

旨贈署守備卹
賞敘祭

寧遠府

姚開先

字堯門陝西淳化人拔貢生由山西臨縣
令補鹽井衛經歷吳逆兵入蜀開先不屈

自縊
死

常珍

陝西榆林衛人隨征屢著戰功任會川營中軍守備善撫兵民漢夷戴德康熙二十

七年阿所俘逆劫殺魯姐珍率兵奮力援救竟遇害時論惜之

直隸瀘州

劉澤厚

直隸吳橋人順治己亥進士康熙三年任江安令土賊白應龍吳天民攻城急澤厚

率丁壯與民晝夜防守後力竭城潰死之事

開

贈按察司僉事

直隸資州

胡天湛

井研人順治三年知福建大田縣時盜賊猖獗所在焚掠天湛調撥鄉兵悉心防禦

城孤援絕力困不支四年十月初八日城陷被擒不屈而死

黃開運

內江人順治戊戌進士流寇至內江肆行屠戮開運集義勇士襲之斬獲甚衆賊懼

走邑人多全活累官直隸

定州知州轉刑部郎中

直隸綿州

邱希孔

字所頌綿州諸生為人倜儻負氣節明末避兵漢南順治六年寧夏巡撫李鑑偉其

人委署靈武同知治花馬池姜環賊將劉登樓陷城希孔踞坐罵賊賊怒斷其頭屍猶箕踞坐上不為動賊懼以為神羅拜之乃仆

直隸達州

張正化

太平諸生流賊楊象蔭陷太平正化偕里人避居山中分以糧食全活數千百人率

鄉里保銅城寨順治六年首以寨歸總督李國英
授叅將劉委令城守康熙元年從征茅麓山賊平
正化曰吾保鄉里耳安事功名幸昇
平可高枕矣堅辭城守以布衣終

補遺

熊應鳳

字碧山鄞都人任浙江温州守備順治三年平陽初入版圖山寇吳肇馨乘虛襲城

據守應鳳率兵馳至一矢殲之餘衆潰遁明年西
港桐山諸寇兩次攻城俱擊退及大兵至搜山勦
捕風力捕殲沈可耀陳倉尤四諸賊已亥移汛磐
石海寇鄭成功圍城應鳳率先登城百計守禦入
不下賊以大砲裂城鳳急馳下巷戰負重傷猶殺
數賊被執戮其幼子脅降鳳聲色愈厲闔門死者
三十二人事

賜祭于天作拖沙刺略番任温州衛左所入籍錢塘亦
於康熙甲寅間變在溫甸難事

開時遊擊

楊三虎

浙江義烏人任奉州副將康熙十八年吳
逆寇劉三虎從征克復永寧城旋隨力

戰死之奉

古跡不增左都督

武功

禹貢三百里揆文教二百里奮武衛武功所關千
古為昭矣蜀地素號巖疆僻在滇黔秦楚環以蠻
獫狁番幅員遼濶伏莽易生所以動煩整旅其間

運帷幄之謀決疆場之勝克敵致果以彰戎經矯
矯虎臣為國干城者歷代固不乏人以至我

朝聖武布昭無遠弗屆凡選將率師旌麾所指無不
仰仗

天威風行電掃膚功立奏所稱師中之吉長子之功保
障重臣洵足以紀旗常而垂竹帛矣作武功志

漢光武建武五年己丑公孫述據成都岑彭謀伐蜀
留威虜將軍馮駿軍江州都尉田鴻軍夷陵自引

兵還屯荊州要會喻告諸蠻降者表封其君長十
一年乙未彭使臧宮拒延岑自分兵泝都江而上
襲擊侯丹徑拔武陽使精騎擊廣都去成都數十
里勢若破竹初述聞漢兵在平曲遣兵逆之及彭
至武陽繞出延岑軍後述大驚岑盛兵於沅水臧
宮衆多食少欲引還會帝遣謁者將兵詣岑彭宮
矯制取以自益登山鼓譟聲動山谷岑不意漢軍
猝至大震恐宮因縱擊破之斬首溺死萬餘人岑

奔成都其衆悉降十二年丙申春正月吳漢破公
孫述將魏黨公孫永于魚涪津遂圍武陽述遣史
興救之為吳漢擊敗因入犍為攻廣都拔之遣輕
騎燒成都市橋七月將軍馮駿拔江州獲田戎吳
漢將步騎二萬逼成都阻江北使副將劉尚屯江
南述使謝豐袁吉攻漢使別將劫劉尚令不得相
救漢因潛兵就尚合軍迎戰大破豐吉斬之遂引
兵還廣都臧宮拔綿竹破涪城斬公孫恢復攻拔

繁郫與吳漢會於成都公孫述困急與岑定議募
勇士五千餘人助岑以擊漢軍漢陰具船欲遁蜀
郡太守張堪聞之馳往見漢謂述必敗不宜退師
漢從之十一月臧宮軍咸陽門述攻漢使延岑戰
宮敗漢護軍高午唐邯將銳卒擊之述兵遂潰
午刺述墮馬而死延岑以城降蜀始平

安帝元初四年益州永昌越雋諸夷叛益州刺史
張喬遣從事蜀郡楊竦將兵討之殺夷三萬餘人

降赦三十六種舉劾姦貪長吏九十人黃綬六十人諸夷皆平

獻帝初平十九年甲午閏五月諸葛亮命張飛趙雲將兵克巴東飛獲太守嚴顏令斬之顏容色不變飛見其壯釋之引為賓客雲從外水定江陽捷為飛定巴西德陽昭烈帝進圍成都劉璋開城出降帝遷璋於公安盡歸其財以諸葛亮為軍師法正為蜀郡太守

蜀漢後主建興三年乙巳諸葛亮討雍閬至南中所
在戰捷由越雋入斬雍閬孟獲收閬餘衆以拒亮
獲素為夷漢所服亮生擒之既得使觀於營陳之
間問曰此軍何如獲曰向者不知虛實故敗今蒙
觀營陳若祇如此即易勝耳亮笑縱使更戰七縱
七擒而亮猶遣獲獲止不去曰丞相天威也南人
不復叛矣時益州永昌牂牁越雋四郡皆平

晉武帝泰始八年益州牙門將張弘叛殺其刺史皇

甫晏廣漢主簿李毅言於太守王濬曰廣漢與成都密邇而統於梁州者朝廷欲以制益州之衿領正防今日之變宜即時赴討不可失也濬欲先上請毅曰叛主之賊為惡尤大當不拘常制濬乃發兵討之

惠帝永寧元年辛酉冬十一月李特據廣漢進攻成都羅尚大破之斬李特特弟李流代領其衆自稱益州牧特子雄有竒才軍事悉以任雄大安癸

亥二年閏十二月尚大攻李雄雄敗走遂定成都
穆帝永和二年丙午十一月都督桓溫因李勢驕
淫不恤民事帥師討之袁喬麾軍前進直抵成都
李勢悉衆出戰溫乘勝長驅至成都縱火燒城漢
人惶懼無復鬪志勢送降文於溫尋與櫬面縛詣
軍門溫解縛焚櫬送勢及宗室十餘人於建康舉
賢旌善蜀人悅之

安帝隆安八年壬子十二月遣益州刺史朱齡石

討蜀劉裕與齡石密謀曰往年劉敬宣出黃虎無功而還今以大衆自外水取成都疑兵出內水此制敵之奇也而慮此聲先馳別有密書付齡石署函邊曰至白帝乃開諸軍雖進而未知處分所由癸丑九年秋七月齡石至白帝發書曰衆兵悉從外水取成都臧熹沈叔任等從中水取廣漢老弱乘高艦從內水向黃虎於是諸軍倍道兼行譙縱果使譙道福以重兵守涪城備內水齡石攻其北

城譙縱棄城出走齡石遂入成都誅縱黨羽餘皆
安堵詔以齡石進監梁秦州六郡諸軍事

齊高帝建元間益部山險多不賓服大度村獠前刺
史不能制益州刺史陳顯達遣使責之獠殺其使
顯達分部將吏聲將出獵夜往襲之悉殲其衆由
是山獠震服

梁元帝承聖二年癸酉三月武陵王紀攻江陵留蕭
撫守成都帥諸軍東下梁主甚懼與魏書請討之

宇文泰曰取蜀制梁在此一舉諸將咸難之大將軍尉遲迴獨以為可克泰乃遣迴圍成都五旬蕭撝屢戰皆敗乃請降魏以迴為益州刺史

北魏宣武帝時高肇伐蜀假傅豎眼將軍持節領兵三萬先克蜀北及梁刺史張齊進圍益州拒塞三日豎眼轉戰二百餘里齊大敗益州平

隋文帝開皇間王謙叛益州總管梁睿率于義等將步騎二十萬討之至漢川謙阻兵以拒遣李三王

守通谷睿使張威破之進龍門謙復拒敵睿軍由
間道而出四面攻擊進逼成都謙走死劔南悉平
仁壽初嘉州獠叛行軍總管段文振討之引軍山
谷為賊所敗文振復收散軍擊其不意大破之
大業二年王謙猖獗利州總管豆盧勣嬰城固守
謙遣兵攻之時勣士卒不過二千晝夜相拒勢漸
迫勣率趙仲卿出奇兵擊之斬數千級投服二千
餘衆梁睿兵至賊因解去

唐高祖時二鴟蠻叛以周法尚為巴州刺史破賊於

鐵山

肅宗永泰元年乙未吐蕃引羌寇西山拓靜等州
劍南節度使嚴武先破吐蕃於當狗城武奏崔旰
為漢州刺史將擊吐蕃連拔其城攘地數百里吐
蕃遂不敢犯

代宗廣德十四年己未冬十月吐蕃入寇詔神策
都尉李晟討之斬首二千恢復維茂二州

德宗貞元四年戊辰吐蕃為患將寇西川約兵十餘萬屯瀘北西川節度使韋臯遣兵擊破於清溪關外辛巳十七年韋臯大戰吐蕃於雅州歷破四十八萬壬午十八年春正月韋臯復破吐蕃於維州斬首五萬自是吐蕃不復侵擾

建中時西川兵馬使張朮襲成都為叛節度使張延賞奔鹿頭城朮醉延賞遣將捕出斬之遂復成

都

憲宗元和元年丙戌西川節度使劉闢作叛戊子
令高崇文與兵馬使李元奕節度使嚴礪同討之
二月礪拔劔州斬其刺史文昭德時宿將甚多皆
自謂當征蜀之選及詔用崇文皆大驚崇文時屯
長武城練卒五千受詔即行器械糧糗一無所闕
三月劉闢將邢泚引兵遁去高崇文入屯梓州六
月崇文破鹿頭關連戰皆捷辛亥克成都劉闢帥
數十騎西奔吐蕃崇文使高霞寓等追及擒之及

入成都屯於通衢休息士卒市肆不驚秋毫無犯
檻劉闢送京師斬之餘無所問從容指麾一境皆
平

穆宗時吐蕃寇邊西北震動又畧雅州東川節度
使王涯將兵拒之吐蕃遂不能入

文宗太和四年庚戌冬十月以李德裕為西川節
度使先是南詔入寇劫掠蜀民德裕至鎮作籌邊
樓圖蜀地形南入南詔西達吐蕃日召習邊事者

訪以險要未踰月皆若身歷乃練士卒葺保障積糧儲以備邊蜀人祖安因索南詔所掠百姓得四千人

懿宗咸通中南詔入寇西川節度使盧耽與瀘州刺史楊慶復戮力守禦帥牙將李讓以突將出戰殺蠻二千餘蠻夜遁

僖宗乾符中南詔寇蜀高駢徙鎮西川發兵追蠻至大渡河斬賊無數擒其酋長十餘人修復邛崃

闕諸城柵置兵防禦蠻不入寇

宋太祖乾德二年十二月王全斌入蜀擒其招討使
韓保正蜀兵大潰劉光義曹彬帥師至夔州夔有
鑿江為浮梁夾列礮具光義等行帝示以地圖指
鑿江曰我軍泝流至此慎勿以舟師爭勝當先以
步騎陸行襲擊之及師至夔距鑿江三十里舍舟
步進先奪浮梁復牽舟而上蜀寧江制置使高彥
儔謂監軍武守謙曰北軍遠來利在速戰不如堅

壁待之守謙不從獨領麾下與光義騎將張廷翰
戰潰走廷翰乘勝登城彥儔戰敗奔歸自焚

真宗咸平三年庚子春三月益州戍卒作叛奉王
均為帥陷漢州僭號大蜀帝以雷有終為川陝招
安使帥師討之知蜀州楊懷忠會兵討均冬十一
月雷有終復益州均走死懷忠取均首級及僭偽
法物旌旗甲馬斬擒六千餘人詔進有終懷忠等
秩而流其黨牛冕儋州張適連州命梁顥往安撫

之

明太祖洪武四年偽夏明昇據巴蜀帝命湯和為征西將軍率荆湘舟師廖永忠等由瞿塘趨重慶傅友德為前將軍率河南陝西步騎由秦隴趨成都上密諭友德曰蜀人恐吾西伐必悉其精銳東守瞿塘北阻金牛若出其意外直擣階文門戶既弱腹心自潰命朱亮祖為副將軍率兵助伐蜀夏四月傅友德等克蜀階州渡江至五里關蜀將丁世

珍集兵固守友德破之竟進白水江克綿州漢江
阻水欲以消息達湯和而山川懸隔以木牌數千
書克階文綿州日月投江中順流而下蜀守者見
之解體友德進逼漢州蜀守向大亨迎戰擊敗之
遂拔漢州時和攻夔州江漲師駐大溪口帝聞之
詔水陸并進詔至永忠率師先次夔府擒其帥龔
興六月永忠至瞿塘關分水陸兩道一軍攻陸寨
一軍攻水寨以鐵葉裹船頭置火器蜀人盡銳來

戰永忠已破陸寨既而將士舁舟出江者揚旗鼓
噪而下下流之師擁舟前進火炮火筒夾擊大破
之越明日湯和兵至分道並進直抵重慶明昇大
懼遣使詣永忠納款面縛銜璧與母彭氏及羣臣
奉表詣軍門降並其官屬至京朝見封為歸義侯
蜀地悉平

洪武時松潘未下御史大夫丁玉率師平之開通
關堡設立酋長諸蠻震服

二十五年壬申建昌土官月魯帖木兒叛命涼國公藍玉越雋侯俞通淵討之玉遣百戶毛海誘致月魯帖木兒送京師遂於邛部州築城置越雋衛鎮守其地

永樂間保縣羌民黑大肆行不法四川都指揮李敬帥兵進勦直擣賊窟悉殲其衆生擒黑大斬之羌民畏服

茂州土官楊者者叛徐凱率兵討平後海西侯納

哈馳降將劉太平領兵伐雲南中途太平反凱追
至青州六戰六克擒太平於沔縣盡收其衆復征
階文二州擒賊首張超達諸蠻遂平

景泰間威州寨帥王永煽動上下五族欲拒南路
時羅綺撫治松潘一舉殄之

天順末夔茂威嘉盜起連劫州郡僉事汪浩密設
方略多張疑兵深入擒斬賊衆尋討平巨賊趙鐸
進浩副都

憲宗成化十四年戊戌夏六月巡撫四川都御史
張瓚平松潘諸蠻先後破寨五十有二降寨一百
有五展拓茂州城池增置墩堡留兵戍守遂上疏
班師

嘉靖間河東三溝復叛朱紱誓師應敵擒斬無數
餘寇悉降

神宗萬曆二年甲戌春正月四川蠻夷猖獗張居
正薦兵部右侍郎曾省吾徃討之授省吾方畧深

入凌霄九絲等寨斬首四千六百餘級擒蠻三十
六人拓地四百里得諸葛所遺銅鼓三十九面而
還

萬曆間播人吳洪假楊應龍後聚衆沙溪連結水
西為叛時王象乾為四川巡撫設方畧討平之

熹宗天啓元年辛酉九月四川永寧宣撫使奢崇
明及其子奢寅與土目樊龍樊虎叛時大吏文武
皆被害賊據重慶分兵扼夔州遵義瀘州等處全

蜀震動石柱宣撫司女土官秦良玉起兵討賊所
部萬餘人率弟民屏姪翼明捲甲疾趨潛至重慶
營於南坪闕扼賊歸路夜襲兩河燒其船阻賊東
下良玉沿江而上水陸并進留兵千人多張旌幟
護守忠州移文夔府設兵守瞿塘賊逼成都指揮
雷安世瞿英周邦泰張愷率兵禦之安世英力戰
死邦泰降愷走免巡撫都御史薛敷政左布政朱
燮元併力禦賊二年壬戌春正月奢崇明出旱船

高數丈長五百尺架樓數重左右有障板上插羽
旗一人披髮仗劍坐內列數百人各挾機弩毒矢
牛數百頭運行旁翼兩飛樓俯視城中雙元曰此
非礮石不可破乃以巨木為杆柱置兩軸柱間繫
索運千斤之石飛擊如彈丸旱船不得近又以砲
擊牛牛返走官軍逐之賊大敗其將羅乾象密約
報效由是賊中舉動皆知乾象與陷賊諸生范祖
文鄒蔚等夜焚賊營崇明驚遁還重慶事聞以雙

元為四川巡撫三年癸亥夏四月燮元列營於納谿陽為進取而陰令諸軍會於長寧乘霧奪險而入進攻永寧奢寅親自搏戰敗之追至涼傘鋪盡燒賊營奢寅父子遁去

皇清順治元年

上命肅王入川討流賊張獻忠賊聚兵順慶府屯於西充縣之金山鋪大治舟楫將遁走湖廣賊將劉進忠至朝天關遇大兵降為先導

肅王遣裨將同進忠疾馳五晝夜及獻忠營時賊無
游兵又無塘撥不虞

王師猝至獻賊衣飛蟒半臂率牙將出視進忠指示曰
此獻忠也裨將雅布蘭發一矢中額獻忠訝曰果
然遂潛伏積薪之下執近侍詢之而得曳出斬之
六年己丑賊黨盧名臣盤踞重叙馬湖一帶梅勒
章京葛朝忠總兵陳德揚正泰等水陸兼進攻破
佛圖關直抵賊巢斬擒無數三府悉平

康熙元年壬寅冬十二月

上命總督李國英統領湖廣陝西河南四川四省官兵會
勦茅麓山賊李來亨袁宗第等李國英至夔府道
路榛莽伐木開道以進癸卯日大兵奪羊耳山宗
第遁入深箐我師屯七里壩宗第屯茶園坪山勢
陡絕諸將攀藤而上宗第敗走巴東大兵追及巫
山遂據其城衆議移守夔門督師計巫山地勢卑
狹雖馳驟不便可利固守於是深溝堅壘具砲石

城下樹梅花椿賊至不得進椿外挑品字坑又於
城外高處立敵樓以防偵探具甫備郝永忠劉體
純合數萬衆攻巫山甚急我兵出戰體純等敗走
適陝西會勦兵至陳家坡奪老木空體純自縊大
兵乘勝追至黃草坪永忠宗第皆投首惟李來亨
居茅麓山高險難攻我兵四面圍之來亨出入地
名通梁路徑陡絕我師乘霧露未開遂奪通梁來
亨力窮勢迫八月初六日焚其妻子自縊茅麓山

遂破馬騰雲拓天寶王光興俱納款投誠李自成
張獻忠二賊餘孽至是誅滅殆盡總督李國英凱
旋重慶全州俱入版圖矣

十三年甲寅吳三桂偽總督王公良率偽將軍王
鳳岐劉之銜等據夔州逾六年庚申四川總督楊
茂勳率師由楚江峽路逆流而上破巫山隨風直
進不二日抵夔城兵不血刃羣逆鼠竄遁去遂復

夔郡

十八年己未冬十二月吳三桂賊黨吳之茂潛兵
白水壩勇畧將軍趙良棟討之抵白水賊阻江對
壘十九年庚申正月初一日官兵渡江直入擒斬
千餘人追至青川賊伏石峽官兵四面攻擊自未
至百殺賊無數龍安餘賊望風投降良棟乘勝追
勦正月二十四日克成都文武兵民跪迎道左發
兵各路招撫辛酉二十年三月逆黨胡國柱等復
踞關山象嶺良棟同將軍紀哈禮率總兵鄒九疇

等三路征勦菁口站周公橋俱皆賊營官兵破之
抵土地橋賊密架鎗砲恃關抗拒大兵分為兩翼
戮力攻戰賊衆大潰良棟遣兵乘夜跋崖直上關
頂奮勇勦戮克復關山象嶺黎州諸地陣斬四千
餘級復戰於大渡河口斷賊歸路攻急投降建昌
一帶遠近聞風相率輸誠

十九年庚申賊黨王屏藩陷漢中據保寧奮威將
軍王進寶討之戰於武關身先士卒所向無前賊

潰進寶直抵保寧屏藩縊死餘黨約降猶據城觀
望進寶單騎馳入大呼曰我仁義將軍也降者待
以不死衆賊感泣歸命遂定閬中

二十四年乙丑五族番蠻作患松潘鎮總兵高鼎
請兵勦撫番蠻納土投誠

三十九年庚辰打箭爐番蠻阻兵渡河四川提督
唐希順總督席爾達巡撫貝和諾等會疏進勦參
將李麟爭先破蠻守渡大兵會於河西三路並進

遊擊張自成等攻哪叱頂壩叅將馬爾植等攻大
岡唐希順率遊擊沙虎魏國珍等直攻咱威殺蠻
人四百餘衆直進勒哪叱頂復馳咱威攻木岡磨
共斬八百餘人至磨西面從間道而上蠻兵潰逃
奪營一十四座斬首千餘級張自成從宰牛堪截
入追殺斬喋吧昌側集烈首級以獻馬爾植攻取
大岡衆蠻憑高據險官兵奮勇勦戮辛巳正月班
師抵爐喇嘛番民等歡呼跪迎歸附一萬二千餘

戶皆諭以

皇上德威賞給銀牌緞疋鞍馬示令各安本業

四十九年庚寅寧番瓦尾逆番不法四川提督岳
昇龍領兵進勦招安涼山一帶沙罵阿都各路酋
長投誠

五十四年西藏準噶爾肆行不法戕害喇藏上厓
宸衷命定西將軍噶爾弼等帥滿漢官兵討之攻克拉里
與平逆將軍延信進取招地賊乃使推木品宰桑

守渡拒敵噶爾弼約會前勒至工卡爾拉地方苦
圖克兔等望風輸誠復攻墨竹工卡賊懼奔散遣
千總趙儒往撫喋吧打克渣及喇嘛中古兒達蛙
等歸順分布侍衛那沁郎中鄂理副將岳鍾琪為
頭隊都統五哥為二隊副都統吳那哈總兵趙坤
馬會伯為三隊攻取招地投降大小喋吧及各寺
喇嘛等衆安營固守斷賊糧道搜獲準噶爾喇嘛
等衆立斬賊首五名招地悉平

六十年辛丑松潘口外上下惡洛諸番肆行盜劫
為邊民害提督岳鍾琪總兵路振揚帥兵討之賊
番奔北過河悉償所劫以降並降阿壩土目且增
等又西邊苦苦腦兒索羅穆等處被郭羅克愛滿
等搶掠遊擊周瑛等率兵攻取下郭羅克之吉宜
卡二十一寨遂抵中郭羅克連克納務等二十餘
寨斬三百餘級擒獲賊首酸他兒蚌索布六戈復
乘勝抵上郭羅克之插六等寨寨目旦增等綁縛

首惡假磔並賊從格羅等二十二名以獻餘番皆
輸誠乃以雜谷土目囊索沙加布管理其地

雍正二年甲辰四川提督岳鍾琪松潘總兵路振
揚率領漢土官兵出師西寧由黃勝關出口勅撫
十二部落招安阿壩郎情毛革麥離等處番目灣
布桑頓等納土歸誠

是年下羊崗克番拔那等猖獗松潘鎮總兵周瑛
率領遊擊劉屏翰邱名揚進勅擒獲逆番拔那剛

讓笑等餘寨投誠番夷皆為編戶下羊崗等處闊地二百四十里得番民三十七寨建城於南坪壩為南平營川陝道路始通聲援相應

四年丙午建昌大小凉山夷獠獨獫建昌鎮總兵趙儒副將張成隆領兵勦撫攻克兒斯堡寨擒賊首金格阿祖官壽斬首諸夷遂平

六年戊申夏六月米貼逆夷陸氏勾連雷波土司揚名義並附近結覺諸番及吞都千戶德昌等聚

衆搶劫傷害滇兵陸氏旋就擒獲餘黨未靖川陝
總督岳鍾琪四川巡撫憲德提督黃廷桂請兵進
勦奉

上諭據岳鍾琪黃廷桂等奏稱米貼逆夷陸氏已經擒獲
餘黨搜捕指日可竣其四川雷波土司楊明義從前
私遣部落幫助陸氏今又劫奪糧運傷害兵丁並誘
附近結覺阿路阿照平底等處苗蠻聚衆妄行罪惡
顯著再吞都千戶德昌私助陸氏土兵與官兵公然

對敵甚為狂悖均屬不法應請用兵勦除以安輯苗地等語烏蒙等處克苗抗拒官兵該督等遣兵進勦今已悉就擒獲而楊明義等當陸氏潛匿之時輒敢朋比隱藏今又劫糧聚眾誠為法所難宥但用兵關係緊要必須武職大臣統轄方為妥協著提督黃廷桂即帶領會勦米貼漢土官兵檄委將弁會期前往仍飭副將張瑛嚴行防範相機撫勦著總兵張耀祖帶領滇黔官兵分路堵截使賊苗四面受敵勿致竄

逸著總督岳鍾琪雲貴總督鄂爾泰飭總兵趙儒於
涼山相通阿路各處嚴加防範再飭總兵張耀祖於
各要路委弁巡輯遇有逃匿即行擒解黃廷桂著賞
銀五千兩張耀祖著賞銀五千兩為二人行軍賞賚
之用俱於四川司庫內動用支給此番用兵係川省
地方之事進退機宜著張耀祖等聽黃廷桂節制調
遣特諭欽此雍正六年七月初八日提督黃廷桂率
漢土官兵圍吞都山擒土司德昌攻破夷寨斬賊

首屋鷄母鷄二十餘人獲賊八十餘人分兵直搗賊窟由黃螂雷波中路進發副將張玉駐劄黃螂王剛駐劄竹核互為聲援遊擊康世顯渡江斷賊歸路王安民吳維翰高麟端等由太平馬湖兩路截勦揚明義執敗遠逃官兵乘機進勦復斬二百餘級獲賊甚衆賊目遁磨石簸箕屯內恃險負固又分遣官兵四面攻擊自己至酉九崗皆克拔營前進四山賊蠻膽落望風投降因體

皇上好生之德曉之以大義令其自新衆苗感激泣下即
進兵直抵黑龍岩黃草坪奮勇深入大破賊巢九
月十六日擒楊明義復盡奪賊寨惡目達姐等皆
授首卑租阿路亦次第擒獲土司沙罵投誠招撫
苗民一千五百九十六戶留兵暫駐以資防範夷
地悉平

雍正八年雲南烏蒙府逆蠻肆行不法傷害滇省
官兵盤踞烏蒙東川一帶蜀滇兩省會兵進勦四

川提督黃廷桂建昌總兵趙儒統領漢土官兵堵
擒烏賊招撫沿江各路土司投誠


雍正十年壬子春三月猺獫賊番擄殺廠商負固
為逆四川總督黃廷桂因河水泛漲糧運維艱

奏准於秋成後進勦先檄行建昌鎮總兵派撥官兵
轉飭冕山營遊擊沈國卿等帶往三渡河口要隘
地方先行防範分屯堵截秋九月檄調漢土官兵
並調齊署參將傅弘禮遊擊壽長楊澤厚洪揚沈

金定正月
國脚都司馬跡隆張懷元署都司吳金章守備千
為章等志交建昌鎮總兵趙儒統領進勅分遣諸
軍由河口過渡從瓜別窩卜水墨岩趕到底四路
並進總兵趙儒駐劄媽木居中策應總督黃廷桂
仰遵

睿謨悉心調度差行密檄俾盡力掃除於時各將弁合
力同心軍士爭先奮勇甫經兩月一切險巢惡洞
初滅靡遺各堡首從充番或當陣擒斬或徧山搜

捕無復漏網癸丑春二月凱旋漢土官兵次第各
歸營伍苗疆悉平



四川通志卷十二